

學史詩稿

青壯壯館全書

卷之四


李德裕

為平


十四
























青莊館全書卷之一

嬰處詩藁目錄一

咏天

新秋偶吟得然字

卽事


閒居卽事

秋夜吟

偶成二首

寒夜漫成

漁翁二首



月夜漫成

秋風詞三章

中秋月二首

迴文詩咏秋

咏春秋冬四時各以本字為韻

竹

戲題三五六七言

溪秋江郊即事走筆

戲咏老牛效劉後村體

題鏡匣



冬日即事與江湖諸友會賦十二韻率爾而吟  
曉望

戲咏蒼呼韻應口

戊寅孟春良叔宅詠雪共賦十六韻

出城又以走筆寄良叔

河豚歎

并序

春雨

偶吟

暮春

江郊即事

喜雨六月旬後一日

江漲

感興走筆

呼強韻以蚤為題戲吟一首

次朴敬伯遊淨土寺韻

復次寓懷

今年冬不寒人皆喜暖季冬風雪大作人多病寒  
余亦耐寒寒房偶閱昌黎詩有苦寒遂次焉韻險  
不足觀

踰大峴



擬題箕子祠次鄭東溟韻二首

次李崇仁新雪韻

老銀杏歌

感懷

己卯春次 順陵壁上韻

紙鷲

蠟梅二首

經書

易

書

詩

周禮

春秋

禮記

論語

孟子

大學

中庸

己卯春寧風無日不吹戲吟一首

西雨東晴



苦熱行

初秋野眺

暑病涔涔秋生始出門漫成

偶題

無題

寄桃源諸益

無題內弟稚川呼韻

次韻

贈姨弟佐伯

秋夜

戲吟吳體語類俳不足觀蓋自訟也

雨後稚川呼韻

九月八日夜拈唐韻二首

敬次霞鶯亭韻

復次霞鶯亭韻

稚川呼韻

觀僧戲

除夜次錢牧齋韻

遠游篇

班婕妤



添歲餅

四宜亭用稚川韻

上巳日稚川呼韻二首

聖際書齋

龍山路中雜題四首

明日歸路

次寄白永叔東脩

夏日漫題

閒居

卧病

夏日書懷

夢仙謠

寄白良叔

終南石門

寄稚川

小雨

時祈雨

燈夕和朴在先齊家

清明翼日同子休諸人集小壺泉盤石

朱絃詩三章

洗劍亭仍訪小林寺



登文殊門次南子休韻

七星岩

山映樓

宿太古寺

積石嶺

過西郊津觀寺

過白雲洞次南汝修韻

汝修送數朶菊花云云

西郭郊望

茅閣對雨

與正夫共賦

至夜與明五共賦

和南隣

夜會南汝修宅贈以要和

雪日酬汝修

次丘瓊山首尾吟

并序

與尹景之李明五徐而中朴稚川共賦





青莊館全書卷之一

完山 李德懋 懋官 著

男光葵 奉杲 編輯

德水 李畹秀 蕙隣 校訂

一嬰處詩稿

嬰處稿即青莊館先生幼少時所著詩文也掇拾遺簡多有脫落今定為八編

咏天

至氣輕清本有儀  
形高浩蕩俯臨卑  
風雲雷雨能行布  
日月星辰自轉移  
覆育羣生功莫測  
養成萬物理無涯  
渾全造化其誰料  
我欲蒼蒼一問之

新秋偶吟得然字

望野吟情正悵然  
縈回秋水際長天  
玄禽挾子飛簾外  
白鴈叫羣過閣前  
渺渺遠山將落日  
茫茫孤嶼已橫烟  
參差舟楫迷江口  
打鼓商人欲散船

卽事

日暮蟬聲急  
風高鴈影斜  
登高憑遠望  
歷歷有明沙  
閒居卽事

山靜心常靜  
境幽事亦幽  
林木寒風灑  
蕭瑟葉吟秋  
秋夜吟

一夜新涼生  
寒蛩八戶鳴  
野泉穿竹響  
邨火隔林明  
山月三更吐  
江風十里清  
夜闌星斗燦  
玉宇雁羣橫



偶成二首

松下盤桓久衣輕  
惻夜寒雁聲來何處  
仰望斗牛間  
窓外泉聲咽  
依床聽不眠  
復愛清宵月皎然  
玉宇懸  
寒夜謾成

靜中無所事  
眺望憑闌干  
野色兼秋冷  
江聲入夜寒  
松風來枕上  
蘿月掛簷端  
與友深宵語  
論懷頂盡歡  
漁翁二首

中心淨潔水同清  
誰識此翁姓與名  
蕭瑟秋風飄短  
髮  
繫舟蓼岸夕烟生

風來水國夜氣清  
兩岸諸禽自呼名  
興逸維舟叢竹

下燒魚荻火濕烟生

月夜漫成

碧天如洗絳河流玩月聊登淡淡樓風伴清光婁短  
笛露無皎影映虛舟雲山寂歷當寒曉烟水蒼茫接  
素秋憑望披襟詩興逸金波滾滾繞長洲

秋風詞三章

秋風淅淅芳雁已來天闊雲淨芳梧葉摧節屆高秋  
芳黃華開我心卽閒芳登彼臺

秋風瑟瑟芳雁南征瞻望天涯芳水澄清艸虫嚶嚶  
芳八戶鳴我心無聊芳薄遊城



秋風淒淒芳鴻雁飛歲聿其暮芳已授衣蒲柳驚秋  
芳木葉稀我心悠悠芳陟崔巍

中秋月二首

端正中秋月姸娟掛碧天清光千里共寒影十分圓  
賞玩唯今夜看遊復隔年乾坤銀一色常恐落西邊  
中秋雲路淨皎皎一輪圓逸興只輸筆耽看不用錢  
穿簾光瑣碎八戶影姸娟遮莫須臾玩今宵隔一年

迴文詩咏秋

傍檻坐閒靜咏歌聊上樓秋風水浩浩夜月山茫茫  
黃菊發臯岸赤楓映沙洲霜凝寒氣肅興逸復懷幽

咏春夏秋冬四時各以本字為韻

江湖三月雁歸春  
柳葉飛花總是春  
山雨霏霏芳草潤  
吟詩只自送餘春

赤道日行已屆夏  
燭龍炎帝秉三夏  
江亭坦腹清風吹  
麥熟梅黃四月夏

玉露金風屬九秋  
捲簾極目水天秋  
前山木落蟬聲遠  
扶杖看來處處秋

素秋既送復玄冬  
月白霜清已仲冬  
閉戶惴寒閒擁讀  
書聲裡度三冬

竹



五下  
脫六

錦綳初脫琅玕枝堦上日高影轉移萬古幾經風與雪此君清節我能知

戲題三五七言

節屆秋登高樓心愛矯矯鶴盟深泛泛鷗牧童吹笛邨巷漁子叩舷下浦洲

深秋江邨卽事走筆

水影天光一色齊漁舟渺渺去無涯深秋作賦樓中眺暮日吟詩枕上題曝日黃梁春石確經霜红柿滿瓢盈山家處處豐年樂不羨人間執玉珪

戲咏老牛效劉後邨體

巨質塊狀善起田毛焦骨瘦幾經年夜來喘月巖邊  
立春晚耕雲陌上眠屈脚卧莎鳴北岸垂頭嚙草過  
前川可憐此物形多老為語兒童莫浪鞭

題鏡匣

淨似秋江歛水痕匣中藏得別乾坤涵虛清潔非徒  
翫但慕吾心不自昏

冬日卽事與江湖諸友會賦十二韵率爾而吟  
卜居麻浦上江水抱村流靜極心惟逸閒多意自悠  
臨山因憑檻俯路更登樓朋友東西至冠童六七遊  
莫言嫌草野為喜訪林丘樵子吹長笛漁人曳小舟



汀空虛岸島潮落出瀟洲冷月簾前照寒雲郭外浮  
竹窓清影碎梅閣暗香幽話久回青眼情新似白頭  
而君請勿去惟我願常留

曉望

吹犬村村有飢鴉樹樹啼峻峻寒砭骨山月遠天低

戲咏暴呼韻應口

手談高堂上丁丁白而烏錯落何所似沙點雁與鳥

戊寅孟春良叔宅咏雪共賦十六韻

柳絮添枯樹梨花發細條沙平銀錯落壁立玉宮堯  
乍沒庭前竹輕搗井上椒差義猶漸積霰霰未全消

八檻踈光皎灑窓玲響蕭邨翁尋逕掃山僕索林樊  
鷄下丹翔濕鶴翩縞羽飄巖傾雲母宅冰屎水精橋  
飢雀傍簷近征鴻度郭遙白圍茆屋小皓壓棘籬搖  
雜沓隨風舞崢嶸伴月昭清烟靄寶鴨爽氣逼重貂  
爐心灰掩火筆舌凍成瑤盈尺呈豐瑞天公預用招

出城又以走筆寄良叔

與君分手後  
君日日深恨不接芳隣  
扶筇頻相尋  
清風明月夜使我每獨吟  
我聞朋友誼  
戀戀古猶今  
可笑世間人  
虛結蘭與金  
未若知己者  
輸情抽丹心  
流水高山曲  
惟有子期琴  
世無牙期久  
相親少知音



我懷惟伊人灑落堪論襟蕭然弊菟裘願君枉駕臨  
江湖二三月萬象何森森不是興興桑相訪阻大霖  
但恨東而西城市隔雲林他日會話地眷眷相規箴

河豚歎并序

二三月間魚舡泊于江河豚往往有之邨人  
取以食之死者頗多知其必死不能畏懲一  
何愚也一以自戒一以示昭河豚者

天地至大矣賦物密又稠造物亦何事毒魚水中留  
鱗蟲三百六既無如甬儔淫惡之所鐘毒氣之所裛  
駢齒利而銳怒腹圓而周無鱗又無鰓荊棘身上抽

惑於河豚者自言美味尤腥肥汚鼎鼐和屑更調油  
不知水陸味復有虧與牛人皆見而喜我獨見而憂  
吁嗟乎世人勿喜潤脾喉凜然禍莫大慄然害獨優  
人生天地間慙忽如水流嗚呼百年身考終猶或愁  
奈何吞毒物膏藏戈與矛雖有頃刻喜終然命忽輒  
傍人猶或止計身何太謬比如愛小人樂其言溫柔  
徒喜言如飴不悟反賊劉我願捕魚子豚魚勿投鉤  
物類亦得生人命亦可脩吁嗟乎世人我願反而求  
豚魚比小人豈可回青眸我欲警世人咏以為歌謳

春雨



昨夜江上雨蕭蕭窓前過青青抽麥苗霏霏響條柯  
登亭四望遠萬物春色多風翻濕烏鵲沙沾露龜鼉  
霖霖天地間須臾流滂沱漠漠垂玉索鳥象如綠羅  
漁翁前江裡垂竿披烟簑新柳精神動婀娜拂丘阿  
陂渠流潺湲入江漾碧波日出微雲薄清新氣自和

### 偶吟

日高陋巷裡琴書獨自娛蕭然竹窓外庭草荒且蕪  
兀兀出塵表定與俗人殊守分復守拙頗能慕程朱  
有時亦自吟放浪不辭勞世間是與非難辨雌雄烏  
洗滌塵土腸猶喜俯平湖所愛風與月豈可用錢沽

江山好風景森森如畫圖但覺吾愛景復知景為吾  
如此復如此吾以此樂夫

暮春

三春物色盛繁華知是東君造化多青染池荷兼柳  
葉紅粧塲杏與桃花海門雲捲昇平日江閣風輕散  
彩霞暖氣渾隨時節至天涯歸雁一行斜

江邨卽事

漠漠滄江邊間雲度高岑高人隱其間衡門弄素琴  
園丁與溪父日日自相尋採藥青山麓垂釣碧澗潯  
山鳥亦有意喧喧送好音浩歌一唱罷幽興爽然深



和風有時來倚樹披蘿襟白日下茆屋堦花欲生陰  
晴沙鷗來去暖波鴨浮沉萬象供四時攬賞惟吾任

喜雨六月旬後一日

午鷄聲裡罷酣眠喜雨初來久旱天渠入拓田多荷  
鉅潦添淺瀨可通船龜鼃得意輕搖浪鷗鷺清神遠  
拖烟自是吾王行化澤農歌陌上占豐年

江漲

潦水侵沙岸危牆百尺高湍花流勢惡時聞老龍呼

感興走筆

借問世間人日日何所營囂塵撲衣裳車馬幾逢迎

街衢喧市聲寶貨何溢盈雖是生活計不足以爲榮  
何如江湖上長嘯坐簷楹秋風釣細鱗春林聽嬌鶯  
拄杖看松翠濯纓就水清或徃林亭會或作舞雩行  
渾然羲皇世誰能識此情

呼強韵以蚤爲題戲吟一首

紛紛小物自相將矛盾短宵若歲長莫道爾身兼銳  
勇爲看吾尔甚堅剛射人正似含沙蜋較大還如拒  
輒蝦堪比蒼蠅誠可嫉今來憎此學歐陽

次朴敬伯遊淨土寺韵

回廊寂寂絕纖塵清氣蕭森迥逼人淨土豈宜遊俗



士白蓮端合聚香神詩酬短偈僧為伴燈接長明佛  
作隣瓶水天雲空了了李翱當日却忘身

復次寓懷

地近清江絕市塵喜君徒步訪閑人志多跌宕應違  
俗詩欠搗椎豈八神佳客每逢仍設榻好山長對與  
為隣看吾漫浪缺秋月春風樂此身

今年冬不寒人皆喜暖季冬風雪大作人多病  
寒余亦耐寒寒房偶閱昌黎詩有苦寒遂次焉

韻險不足觀

共三百六十言

嶢嶠一夜寒風雪與之兼擁被冷如鐵恒惻似無廉

童穉歛遊戲拱手自恭謙冰結色蒼黑峰削露凸尖  
自恋細氈暖無心冷蔗甘不敢當戶坐隙颺肥骨砭  
香烟凝寶鴨硯水凍玉蟾烏雀噤不語當窓但窺覘  
日暮寒漸促爐火冷不炎四體僵難動何時汗自霑  
袖爽若懷冰手龜似觸鎌瑟縮缺襟鮮更難拈

最尤燭龍神吸氣口應欲池魚盡凍死着冰訝列籤

今歲三冬內祈寒

缺

至月陽復生溫比挾纈緯

無雪風又罕魚鳥樂翔潛原州崩綠芽碣松偃翠髻  
那知歲云暮動息盡欲殲風霰催肅殺蟄伏無巨纖  
負暄亦無效况乃日已淹食冷齒還澁匕箸向火爇



陽和隔一旬梅綻春已占下民莫怨咨上帝豈嫉嫌  
飛廉固可罪蒼生屋不苫捲節掾白露蕭騷人不恬  
太皞若行化黑帝應赧慚玉樓播寒粟忽憶蘓子瞻  
窓壁寒氣盤冰屑着如鹽猛虎若霜蠅氣喪無驕儼  
房櫳清如水安施辟寒簾天地頗嚴肅寥落豁四簷  
婢恟縮如蜎奴忍坐似黏肅威能折綿不啻摧枯葉  
冷落衣生稜披拂直不襜我本清羸者跼蹐定可厭

踰大峴

行行踰大峴幽興轉悠哉樹豁村初見溪窮路始迴  
風聲山背迴暝色馬頭來坐歇孤松下谷泉響易哀

擬題箕子祠次鄭東溟韻二首

至今流化澤於物俱江魚禮樂千年在衣冠舊日居  
野田留井界殷祀載周書寔是肇東土馨香廟不墟  
壁古丹青剝紛紛走蠹魚蕩平行國化荒僻奠民居  
過洛龜演數來東馬載書丹藜尚宛宛曾拂八殷墟

次李崇仁新雪韻

前冬雪不下今歲遍山川亂落輕疑雨潛融細八泉  
戲鵲來有跡鳴鶴去無邊古木孤村見蒼蒼籠夕烟

老銀杏歌

霞鷺亭畔花峴阿天下奇觀聚此多中有銀杏丈千



尺幾閱桑田變碧波有時攜杖來其下緬憶闕里秦  
絃歌雲屯霧擁象千萬鬱鬱大庇十數家直榦輪囷  
亘青冥蟠根鬱鬱結走山坡中藏霹靂帽狐狸上有風  
雨驚鵲鴉橫盤直豎復磅礴左出右拔而嵯峨悍枝  
徘徊氣若刺醜皮凸凹贅細疴西來颶風急撞擊萬  
幢搖處揮千戈我時見之移於氣古態胷中橫森羅  
夜來放光似列炬直上虛空九萬賒村翁自言歲不  
記祖兒孫老猶一科文宣廟前杏亦古比之於此年  
未過新秋又有奇絕處玉宇垂垂葉底蟠苔莓剝落  
長濕雨翠葉如雲藏龍蛇艸龍珠帳未有奇錦城老

栢不足誇豈如此樹多奇態正似高人出于他免絲  
女蘿仍扶起墨客騷人但吟哦雖然匠石見其材月  
斧霜斤日日磨我見匠石若止之心焉憾憾更撫摩  
未若擣櫟多癰腫終見天年影娑娑我性本是好奇  
物清詞愧非如懸河

感懷

程朱今已遠誰入聖賢門道豈千歧與仁非兩物分  
吾心憑窠地世態任浮雲天下多工巧拙夫不有群

己卯春次

順陵壁上韻

古木蒼藤挾路幽遊人偶到小齋留地寒經歲猶餘



雪樓敞常時不絕秋竹架書連省日課蒲鞭刑綬恆  
民求以下缺

紙感

數條竹為骨一片紙作毛非是飽則去引風上雲霄

蠟梅二首

宋人以黃梅為蠟梅余嘗鑄蠟為梅花綴於  
梅枝植以古盆置之案上彷彿真梅人多未  
辨其假因名蠟梅非宋人之黃梅花也

柯自羅浮得根從庾嶺來寒葩猶未得蜂蠟綴枝間  
蠟本花精釀裁花反孰真靜看空色相宛爾是前身

經書

余於己卯春索居水明樓暇日無聊題經書  
十一首首外各百言也首首摠題經書十  
首易書詩周禮禮記春秋語孟庸學也自易  
至周禮春月題其後若干首是冬足成云耳  
除日書

倉帝演易跡文字始發揮世代降三五經書生光輝  
羣賢迭相傳功業何巍巍西周轍復東嗟嗟漸衰微  
維天降孔聖讀書三絕韋誦以傳弟子九經始依依  
正道不能容老莊多是非孟子復披閱楊墨更有譏



叔季轉祝禱秦時火中歸暗暗如長夜陰雨沒殘暉  
劉郎不喜文馬上得九圍逸書雖出世所有皆依稀  
書脫分古今詩壞多舛違諸書復茫昧撫古增歎歎  
有宋啓休明程朱其庶幾蒐輯及蘊奧各自流香醅  
餘存世不尚歷代傳者稀去古今已遠貴此難可希  
若置書與寶人多執珠璣斯文厄何夥欲道淚沾衣

### 易

上古及禪通渾渾元氣積文明猶未啓至理誰探賸  
必犧繼天生鴻濛漸始劈馬首出于河闡明演八畫  
天地高下位陰陽老少釋神明窈莫測狂夫不可逆

文王困羑里危辭追其脉推演六十四觀象漸變易  
孔聖繫辭之彬彬宛如昨世儒迭闡義至今留方冊  
書

吁嗟三代時治道載于書欽明文惠安放勲有其譽  
咨暨義興和四時之閏餘玄德乃升聞重華堯帝如  
夏禹有大績九河始鑿踈降之及殷周功業何巍巍  
都俞吁咈際羣臣忠又據典謨及命誥治休之不踈  
經秦多有脫零落堪唏噓餘存分古今休羨空起予

詩

詩乃經之範蘊秀正稱奇國風及雅頌區別有路岐



二南冠其篇王業始于茲鄭衛多淫奔後人可戒之  
三百十一篇鬼無邪是宜宴饗祭祀日行役鬼慕時  
興亡感大夫悲喜有女兒吟哦盡動息六義備其辭  
孝悌忠義間治平可以推不讀正牆面孔聖戒學詩

周禮

往古生元聖烈烈武王第通達及典章著書各周禮  
治平莫若此生民可經濟法度各部分若木有根抵  
官爵復整齊若人備身體彬彬可從之萬古休明啓  
載此大經法誰人更有詆世主若遵施治道定無疵  
樹立何宏達森森若天陞念茲復在茲三代可以謨

春秋

西轍轉東來人多忝離愁王室漸陵替諸侯不朝周  
陰雨日色殘弱株枝葉稠講郊魯過多作時秦僭尤  
聖人生叔季大義無與儔天王降十五乾坤不可留  
筆削正顏綱慷慨作春秋王春萬古高綱常獨自扶  
不得君師位反徒難刈劉所以按筆誅功業何其脩

禮記

人生無防範蚩蚩多惡事等級既不嚴倫彛亦復棄  
聖賢憂世人節制載又字森森豈可紊并并無不備  
微而檢身體大而謹爵位人事斯可飭大理斯可視



我願世間人守此固或墜可懷嚴截心豈念懈怠意  
詎能等閒看此亦天耶賜

以下缺

### 論語

夫子何為者一世寄齟齬轍環天地間踽踽作行旅  
周公夢見之千古結伴侶嗟嗟世皆瞽誰能識如許  
鳳凰雜羣鷄鳴聲叶律呂七十真九雛一一千仞舉  
瓊咳勤拾取繁燬篇上叙耶行端詳事耶言雍容語  
敬之如神明若八講論處所恨生千載英華但嚼咀

### 孟子

戰國尚戰伐誰能修德行人人憑三寸排斥古賢聖

此時有可人名軻其姓孟能踐慈母教復傳孔門性  
亂世扶王道不行是天命可笑齊梁主斯人不能敬  
揚墨亦何子囂囂近梟獍聲復紫色紛紜迭相競  
所以孟子疾惡缺心硬空編七篇書可與金石併

### 大學

人生天地間無學但狡獪古聖深慮之有教關茫昧  
小學教幼小大學及壯大人之檢身性殫殫無此外  
三綱既森嚴八條可理會治平道狹洽誠正心安泰  
有根方可竅有素方可繪世俗漸輕淺顛倒昧利害  
猖被何太甚棄蘭反佞父請看古聖心慮人仁霸霸



# 中庸

孔門有賢孫乃作諸儒宗慮道或不傳日夜憂懔懔  
孜孜體乃祖安詳審始終著書傳斯世天地有中庸  
不偏復不依兩間塞而充潛融天性際可見聖人工  
此道何時歇妙理難可窮凡事無不有廣大兼從容  
世人誰踐履我見紫陽翁作序冠其篇開卷氣蔚光  
已卯春寧風無日不吹戲吟一首

何處風無響人人不自安若能吹有聲應看積如山  
吼木疑雷轉驅花訝雪盤暮春三十日吹至夏初闌

西雨東晴

蒸蒸似蒸蒸

雨氣連天暗雲光漏日明如何雲與雨不是一般情

苦熱行

大地生靈何蒸蒸赫日炎風若炊蒸避暑河朔亦難  
承既無碧簫酒清澄吟風聲歇著樹蟪中霄心無坐  
韞鷹或坐絢簟時几凭赤脚惟思踏層冰况復堂宇  
開蚊蠅中心鬱鬱愁如繩赤帝赤龍赤道陞搖扇南  
望熱不勝雪山何處冷峻嶒月宮天上寒沍我欲  
禦風脩然登雪可為餐月作燈頭癢頻搔髮亦鬚汗  
沾頻拭愁益增鐘山龍燭亦可憎欲使玄冥施水冒  
合向高樓上上層青松為隣竹為朋神昏氣憊但枕



肱愁見景赤飛薨薨忍熱吟詩亦何能筆下龍蛇懶  
飛騰炎熱中間我是滕羨彼長松蔭瘦藤

初秋野眺

元氣淋漓此處雄登臨物色屬詩翁連天樹影虛無  
裡滿地江聲搞撼中賢士島間風月古老姑山晚稻  
禾豐落霞孤鷺齊飛去大手子安詎與同

暑病泔泔秋生始出門漫成

烟霞深處久徘徊今日柴扉始自開太半西南天接  
野此中縹緲水浮臺臨秋老柳先飄葉經雨頽墻欲  
上苔扶杖病餘江渚立白鷗不負舊盟來

偶題

身似太倉糲米陳乾坤兀兀坐江濱詩能日課徒閒  
士松耐霜寒是可人隣友抵書時慰病林花繞屋宛  
如春秋窓困頓甘眠着未有奇方逐睡神

無題

欲將學海涿文鋒李杜指揮似轉蓬物色雖饒今世  
用辭華其奈古人同未逢禪寺磨針媪難厭騷壇建  
幟翁颯爽精神唯一句閑吟中散送飛鴻

寄桃源諸益

浮世人情漸一刀自言安樂是雄豪泗水清風壇有



杏武陵幽趣洞裁花我投筇竹時相過子掩柴扉獨  
自高莫是寥寥草玄客亂山深處長蓬蒿

無題內弟穉川呼韻

憔悴豈全陋繁華不獨高力非扛鼎羽才愧脫穎毛  
坐料人間事笑他着處勞河南詩一首襟抱儘雄豪  
次韻

夜深人已定北斗天中明潮退舟傳語床寒蟲有聲  
詩從月下得秋逐雨餘生散步空庭裡於焉獨自清

贈姪弟佐伯

冉冉長身美少年字不艸笠正堪憐生當辛酉欣同

齒行又弟兄可比肩南郭春風雙袂接西湖夜月大  
衾連藹狀情義無相厭共拜萱堂舞綵遙

秋夜

賓鴻沙際下幽抱此時深樓上一聲笛月中數處砧  
初秋身欲健涼夜睡難侵空歎歲華晚風光只助吟  
戲吟吳體語類俳不足觀蓋自訟也

脫俗少年山水中夜看湖月朝看峰論平生事寧多  
誤得半日閑空害工但有畫書我自樂不能基奕朋  
難逢前脩遺語欲追踐獨恨吾儂疎且慵

雨後釋川呼韻



我身在山裡幽興湧如山木葉仍風落江亭過雨寒  
詩情勝對月秋色共依欄役役紅塵客不須來此間

九月八日夜拈唐韻二首

燈搖遠浦釣舡歸遠瀾江天晚鴈飛隔夜節回風落  
帽登臺人憶酒沾衣菊遲香比前年勝月好明應近

日稀

此以下缺

江臯秋晚雁知歸縹緲樓臺勢欲飛巢印睡禽驚落  
葉見潮漁客披簑衣中天月遠看方小半夜星高覺  
漸稀縱喜重陽明日至籬邊酒憶依微

敬次霞鷺亭韻

瘦藤盤屋影徘徊盡日柴扉不遣開坐處白雲生晚  
石落來黃葉點晴苔家雖淡泊門當市秋亦繁華菊  
菊臺以下缺

復次霞鶯亭韻

江亭收晚雨漁客寄滄波浦濶看潮近林疎得月多  
閑情同鶯睡幽事學樵歌散步頗寥寂隣朋乘興過  
釋川呼韻

萬事由來盡任天爐頭靜看細薰烟每因客至酬新  
句祇得身閑愛早眠晚稻聞香臨水曲霜林翫葉到  
岩前幽居自保優遊樂不識人間冉冉年



觀僧戲

僧徒十數人持旗擊鼓時時來邨巷裡口誦  
念佛足蹈手舞眩俗索米足為一餐吟得一  
首蓋紀案也

伐鼓撞鍾動四隣庭中簇簇奉盤人花翻彩笠徒媚  
俗旗曳紅綃強托神齊唱南無饒半日更祈東道享  
長春舞時邨婦含羞語記取明年得子新

除夜次錢牧齋韻

雪飲江干硯不冰椒花欲頌暖香凝床頭描鬼將添  
戶社裡賽神盡揭燈老大偏傷分歲去兒童相約及

晨興隣鷄莫向中宵鳴可耐朝回齒更增

遠遊篇

余偶見朱夫子十九歲作遠遊篇辭語忼慨  
余年十九矣嘗欲慕而作之多暇未能今年  
除夜又閱遂惜之曰若踰此夜余非十九歲  
矣於是挹筆率就亦不辭效顰之誠狀慕朱  
子而作焉是景仰朱子者也

舉座且側耳聽我歌遠遊遠遊何所至周遊千萬州  
東西暨南北海隅及山疆駕雲當無碍不必羨龍驤  
須臾歷八紘眇忽覽四方所以展懷抱又是吐慨慷



不須空勞碌虛擲日光不須空寥落房中但彷徨  
莫學孟夫子蹢躅向齊梁拂袖誠出門出門我心傷  
我心傷何事蹢躅慎羊腸層溝隔若木炎雲低越裳  
虎宿霜牙磨鬼國玄冰剗吾齡始十九莫畏不可當  
一欲躡鐵鞋辛苦踏太行狀後耐風雪莫守草亭荒  
吾歌聽如何豪氣滿一堂

班婕妤

紗戶螢飛亂秋風與月來有舊唯風月君王望已灰  
添歲餅

歲時作打白餅切以為湯能不傷寒暖而耐

久取其淨潔俗謂不食此餅不得歲云余強  
名為添歲餅咏添歲餅

千杵萬椎雪色團也能仙竈比金丹偏憎歲歲添新  
歲悵悵吾今不欲餐

四宜亭用穉川韻

江遶草亭亭俯江居民盡是水為邦鼓聲灘雜頻喧  
船帆影風翻乍過窓白石垂絲翁釣獨晴天避繳雁  
飛雙徘徊最有寒寒意不見漁家酒滿缸

上巳日穉川呼韻二首

三三春已暮新服暫偷閑園暖花成市靄暝樹似山



楔人談曲水遊女秉香蘭強作兒童伴日西與共還  
青草芒鞋踏遊人陌上閒舫花蕉堊水邨鼓響春山  
修楔猶傳晉登亭不是蘭義之今已遠誰與暢懷還  
聖際書齋

屏跡幽人出俗埃市聲不到隔林臺雅情木榻迎賓  
設高趣山窓翫鸛開槐樹陰濃遊女集菜花香淡晚  
蜂來汀洲嫩看村烟滿案上清詩數紙催

龍山路中雜題四首

田水綠如藍白鷗獨立久我今羨爾閑應笑行勞若  
路傍有古墓墓上雜花生子孫何處在不禁孤兔行

上山復下山却歡過險艱且看多石處嶮岼亦非安  
何來八九屋依山新作村小溪樹影度翁言日欲昏

明日歸路

路北有小井路南有長松行人飲且憩衣袂生清風

次寄白永叔

東脩

余移家終南下永叔三從昆季來尋谷深失  
路而歸永叔寄余一絕以示悵然之意余即

次以寄焉

花逐溪流出澗遲吾家易識水邊扉山靈却訝塵間  
客故使雲深失路歸



夏日謾題

不許街塵一點來，獨閑幽扉夏初催。  
石榴花樹山岩畔，一任風光落又開。

花落鶯啼俗事休，移家來住碧山頭。  
向時手弄三洲月，清夢猶尋釣客舟。

閒居

谷深雲水正漫漫，稍喜幽人得地寬。  
庭落殘花香蝶懶，潭迴瀑弄龍盤。  
唐詩作軸襟何雅，古劍<sub>缺</sub>坐<sub>氣</sub>。  
暫寒欲識山居閒，事業時攜筇屐藥苗看。

卧病

卧病旬將浹巾鞋上綠苔已厭親藥裹稍隔步雲隈  
茶滑添泉洗窓凉過雨開寥寥難自耐時有友生來

夏日書懷

村近雲霞井竈寒可將鷄犬學劉安古調隣笛參梅  
聽生意瓶蘭貯水觀松枯當風虛出籟瀑缺經雨激  
成瀾漫餐藥餌休巾扉茅屋清涼自火歡

夢仙謠

三清仙子駕紅鸞手捧嶠州絳雪盤歸置玉皇香案  
下六銖衣冷露華傳

寄白良叔



余於暮春宿良叔家論文日又夜良叔欲一  
作以留未暇也值夏病卧紀曩時之景以呈  
莫訝語則春而時則夏也不以辭害意可也  
其日觀漢詩故第三及馬良叔於庭裡得小  
錦石以翫故第四及馬良叔能紀之否

花樹堂前春正妍爐香終日坐如仙詩評後漢冊銘  
煥歌婉南山白石鮮誨學君全昆季樂談文吾仗友  
生賢可憐燈火深宵話明發歸廬意悵然

終南石門

嶒嶠老石偃成門禹斧留痕壁勢分澗響泠泠承檜

葉艸香馥馥襲人裾  
滕垂遊子午時睡  
風緩啼禽何樹羣  
坐久清虛疑福地  
詎傳塵俗此言聞

寄穉川

我本江臯客十載西湖濱  
世事一不合頗喜談詩人  
睥睨空了了阿誰獨任真  
吾弟差可喜秋水得精神  
穉齡卽學詩婀娜十三春  
手裡墨梅扇腰間綠絲綽  
開口句能清座上驚衆賓  
我乃喜得得汝亦和閭閻  
自謂能相知文字每咨詢  
東亭月明夜南垞菊發辰  
提携步廣庭談文語氤氲  
能作葩經語寓物輒呻吟  
書冊卽田地錦綺不足珍  
芸窓閱縹緗共首窮夜晨



湛樂亦幾時而我入城闔江路十里脩安得日日親  
况又淹病卧不見問幾旬時時夢見之論詩懷暫伸  
迢迢霞驚亭圖書眼中陳江清獨樹句咏之氣清新  
問甬口吻花别久應續續為我寄數篇盍蘓卧病身

小雨

時祈雨

小雨從何得先看草木情近墻微有見八閭不成鳴  
天乃精誠感壇猶鍾磬聲農談聞老叟喜氣四隣盈

燈夕和朴在先

齊家

漢澹星疎月瀉光屋椀溝柳苑榆蒼中間儻展琉璃  
障穿漏燈輝對映長

清明翼日同子休諸人集小壺泉盤石

翠栢當溪水色空春衣緩步八林中花遲忽覺清明  
過幽樹先尋第一叢

朱絃詩三章

朱絃詩者貽族姪汝範汝範將歸余愴易別  
而勗之

朱絃之清芳維子之型芳維子之型芳維我以為經  
芳

朱絃之直芳維子之職芳維子之職芳維我以為式  
芳



朱絃之和方維子之嘉方維子之嘉方維我以為諧  
方

洗劍亭仍訪小林菴

流水泠泠韻自疎林烟微起覺人居幅巾晚晚黃花  
逕石室初來看道書

登文殊門次南子休韻

冒然遙眼界元氣積虛空四望雲日晴衆山來無窮  
欲辨吳門練返照摩尼紅龍門東界小巖空大澤中  
嗟我二三子渺渺鹽鷄同東海壯骨襟欲追三洞翁

七星巖

楓林寥落七星西  
白衲深山日色淒  
孤堞連雲蔽晚  
寺遠泉浮葉出寒溪  
多逢老石移時坐  
閑聽幽禽盡  
意啼古佛悠然應  
笑我叅禪聊共貝  
經雋

山映樓

寒木深山動九秋  
石橋東畔得高樓  
漱泉已有脩然  
意休向人間說此遊

宿太古寺

楓杉蕭蕭隱行宮  
更有禪菴幾處同  
露滴虛簷星近  
斗磬聲遙落石潭中

積石嶺



萬木脩脩迴四睨却忘迴白雲遙相揖斫然石洞開  
誰人憐行客聚石成古臺慙筇來坐久那惜衣襲苔

過西郊律觀寺

落日亭亭白堞遙清流尚憶石南橋明霞翠栢多遐  
想一曲山歌答晚樵

過白雲洞次南汝修韻

斜陽西郭堞流水釋王家筇鳴白石路歷歷過黃花  
汝修送數朶菊花云云

硯水插花登不昏葉間猶有墨餘痕遠分秋色如隣  
曲却憶南村相對門

詩花辨不受塵昏展軸兼收霜露痕獨謝君心清似  
我脩然欲過夕陽門

獨看寒松秋日斜故人詩到罷城笳持簫授菊清如  
許王子應臨五柳家

故人遙憶片鴻斜城白秋天蒞暮笳欲得人中幽似  
菊捨君清韻屬誰家

林書瓶菊劇寥寥落木寒聲雜短簫李子驢江猶未  
返壻頭何日許相邀

西郭郊望

山路深深古閣頭蟬鳴寒樹颿清秋客心靜與松雲



住瀑響遙分石壁流  
栗里孤烟閑晚饑  
已陵細雨澹  
歸舟墊巾祇喜同人會  
鴉陳西郊薄暮收

茅閣對雨

瀟瀟茅齋小溪邊  
兩板門寒松雨墜響  
古鼎虫餘痕  
評軸調花什文書  
劉木根驪江朋遠訪  
終日坐忘言

與正夫共賦

捫馬鳴何意荷衣客  
亦寒星垂泥水裡  
蟲躍草書間  
釧氣秋初壯詩談  
更欲闌良朋

三字缺

對子解吾顏

至夜與明五共賦

煮豈青烟翳夕林  
荒庭散步野君尋  
萬家燈白梅齊

暖五夜鷄長靈又深中曆黃柑驚節物大音玄酒見  
天心不知雷起於何處清坐寥寥一笑吟

和南隣

我策我馬薄徃三洲金子謂我曰輕而浮非我輕浮  
胡比于鷗念子平生甘與子遊晨夕話言于墻之頭  
三日不見惟三歲猶我實子念子應我俾得子之詩  
如渴潤喉置我左右弘壁天球寔是情篤使我心悠  
相彼它人博奕是儔今子與我詩以相投子莫我怨  
散我之愁

夜會南汝修宅贈以要和



繁星西郭影垂衣  
踈我居然不掩扉  
海內蒼茫知己少  
林中寥落著書稀  
明燈細數梅新發  
纖月連聽雁北飛  
雅志憐君諧俗寡  
幽懷說盡夜深歸

雪日酬汝修

落落烏巾木石濱  
清如楚澤咏蘭人  
書帷彈帶蕭森氣  
梅樹誰家早放春

初昏參昴出河濱  
歷歷鍾聲赴郭人  
明日期君晴雪眺  
村南村北二分春

次丘瓊山首尾吟

并序

古無是格邵先生以理勝醇粹之語為首尾

吟鼻祖語尾氣廣非漢魏六朝唐宋語宛然  
獨是邵先生語其後作者徃徃做焉猶有斧  
鑿痕迹得丘瓊山百韻盛矣邵與丘案難辨  
也余敢次之猶有一二處說理然安敢望如  
二先生猶桓溫之強似劉越石也

和菴可是愛吟詩詩是和菴學古詞未遽乾坤難語  
耳欲觀物理試論之浮屠何故無君父巫覡猶然有  
第師除却利崩能八道修諸心地便忘機人趨便近  
元多舛事到精明可稱奇進就樹花成果案幾微江  
水漾淪漪善心宛爾藏難掩惡事居然悔莫追試看



商興緣雉曾聞周覆自龍聚人於困境呼天問鬼  
向生時墮地啼理在吾心涵活水形離外物寂標枝  
能言鸚自囚籠格善走馬難脫鼻羈張尉有心治鼠  
獄王生何事泣牛衣偏憐河鼠量過腹爭笑黔驢技  
在蹄耐耐舐糠仍及米如何吹髮更求疵清涼地面  
修仁宅鬧熱關頭豎勿旗海豈持盃量遠近天難闕  
筭測端倪天機活潑頂閒坐造化潛融在妙鬼術遽  
函龍神稱葉業專畜特富推倚天淵卽是貳魚樂雨  
露何頂草木私馬耳生風非快活竿頭進步看平茂  
蒙莊化蝶爭多事戒穀亡羊豈二歧血肉人應生又

死羽毛物自走而飛焦頭爛額人忘體坦腹曲肱我  
得時梅閣靜時無客開竹門開處有風微坐餐白地  
空羞我遊送青春更怨誰載鬼無形要我妄牯牛禁  
惡更知幾毫釐事或成千里方寸心猶峙九疑捉影  
捕風終寂寞眠雲卧月自委蛇膏肓泉石心寧俗經  
濟山林志不早寧使為山虧在簣如能等室輩缺基  
桂緣可食災難避樗賴不才壽與期俯仰寧宜心自  
愧營為莫道鬼難知入無若有方能入持滿如虛豈  
曰持常使心旗齊動靜早防意馬任驅馳身修自是  
緣心正子孝豈能似父慈八海百川勤導達待秋五



穀好耘耔到喧囂處心須靜在造次時事必稽涉世  
何論知寂麥驚心莫笑吹羹虀潛思賢聖顏如見靜  
對詩書道或窺警戒常思深谷墜勤孜每惜寸陰移  
不除庭草看生意多種階葵向赤曦幽鳥窺窓眠欲  
穩遠雲歸岫意偏遲未恢漢室悲諸葛時憂周公歎  
仲尼過去興亡紛楚漢將來熙皞罕農義守株待兔  
愚何甚緣木求魚理亦違利欲紛拏嗟碌碌經書蕪  
沒笑蚩蚩精誠自可尋常在道理何能咫尺難須向靜  
中窮事物每從閑處整容儀半生那忍神馳外一理無  
妨念在茲親戚少敦愁惺惺子孫勤學樂熙熙轍環

孔孟時何否燭秉程朱道不迷不智何妨如龍藏省  
尤莫各掇臯比黃塵十丈超離俗精舍三間等傍溪  
白日靜看中又則墻花時驗盛終裏修身自歎人皆  
學尚友惟期古與齊屈子詞吟頻墜淚堯夫詩誦暫  
支頤一身每驗仁兼義兩耳不聞是與非天下幾多  
痴漢子人間願作好男兒大談人或嘲窺道小智吾  
寧好着碁高士終身親鹿豕凶人千古偃鯨鯢虞卿  
大俠捐雙璧張祿微仁戀一縑夕死朝聞前聖訓夙  
興夜寐後生資道窮齊邑遲三宿聖厄陳郊絕數炊  
君子惟知時往復儉人豈識道高低榮翁縱困歌三



樂管子雖矯說四維志士虎韜潛智畧賤夫龍斷競  
分釐頃者介石遵常固每履堅冰戒漸危慮遠焚書  
莊壁室工深讀易絕編韋如無夫子人何仰不有斯  
文道自虧蕩蕩神功天地在昭昭至道古今垂聖賢  
所貴存和正言語惟思戒險陂琴斷知音應獨響王  
無高價欲潛輝室家和樂苟完矣人世推移善謔方  
皮潤霧中深隱豹珠藏額下養潛驢書能養性欣開  
卷酒易淪身戒蒲危萬古綱常壞漢操一生榮辱了  
蔡睢三公任重袁安淚萬國憂深杜老蒼守操固哉  
膠柱瑟馳名陋矣處囊錐大人膏裡長留樂吉士言

頭輒去悲收拾放心親簡策扶持舊業守弓箕求名  
自古長勞矣為善從來最樂而燥濕絃應神在指重  
輕權是妙存錘事遵誠敬當如祭寢戒平安不似屍  
肯海快除三斗棘靈臺祠似四通達清而不濁原懷  
石白可為黃墨泣絲兀者釣山樵水可畸人漱石枕  
流宜銅樞僭越周何倣玄草淒涼孔欲希審勢士誰  
明去住惜名人可慎云為三千結子堯何晚九萬飛  
溟島是稀樂道從來貧不病希顏畢竟聖同歸終年  
謝客懸陳榻永日看書下董帷求駿祗應先買骨戲  
麟堪笑假蒙皮欲留名姓長傳世奈乏文章可射奎



山木千章存夜氣，艸心一寸報春暉。卽看白屋身猶潤，却喜羣容義以肥。德勝於才方遠辱，學優則仕未云知。鯢鵬何害鷁鰲笑，鴻鵠寧嫌燕雀欺。一體君師宜敬畏，同胞物我合提攜。汙泥濯淖心長潔，禮法從容行不遺。百韻詩成齊首尾，和菴可是愛吟詩。

與尹景之李明五徐而中朴穉川共賦

北斗闌干挿自明，虛襟天八在無聲。金城大鎬山河遠，太極空囊上下輕。幽水精彩冷然古，羽宵碧骨不勝清。槿花亥立千年國，白馬東到孤雲橫。

青莊館全書卷之一

己巳春宣傳從  
侄書松洛瑞書





青莊館全書卷之二

嬰處詩稿目錄二

塞下曲

少年行

昭君怨

次石洲集韻并序

和東方子金錫汝

酬錫汝絕句

乞筆與箋于蕪隱

挽徐士華

佐伯過

春帖  
庚辰臘月二十九日

除日次贈錫汝

秋夜雜感

古詩示正夫

栗島

朝詠

上元曲

酬恒之

偶吟示良叔

贈南邑客

共恒之賦

睡意

偶題示正夫

逢桃源諸友

三湖途中

留宿三湖

次內第韻

次霞鶯亭壁上韻

訪三宜軒

龍山訪姨弟佐伯不逢

霞鶯亭紀事

歷路訪李伯瞻

柴門有見

贈南汝華

秋晚

至日憶內弟

病題并序



又題

雪夜汝修宅共子城賦

古詩

同汝修昆季遊鳳岩

春日紀事

溪堂閒詠

題画扇

悶旱紀實

中秋日謁板橋阡

閒居

書詠

懷良叔

季秋遣興

出遊清風閣次汝修

霞鶯亭洪先生挽

書齋夜詠

偶得騷字

偶得諸字

和曾若倣瀛洛體以報

卽事

夜讀唐詩聞東隣鶴唳

次明五画竹

示明五

和寄曾若

拜新月

塞下曲

采蓮曲

羌婦曲

贈南友

立春題門楣

送吳宣傳

載熙

之日本

歲除之前二夜集蒼厓

重九日答贈內弟

答內弟

掌苑署成氏松

內弟冠日欲詩未能不

欲詩又不忍不思荒蕪吟一什追寄安用詩為其  
意或可有取焉全悲三洲老丈乃其意云



南山詩

疊

論詩

友過

和尹曾若

戲題  
并序

登慕華館西麓

織女操  
并序

暫到陽厓見稚川歸后寄此以叙其懷云

白良叔東佐宅清夜

三湖元朝

洗心亭贈沈氏

三湖途中

出門

夢仙謠

紅艷花

四時調歌

江夜

南山菊

贈南汝華

命來

初冬

酬東方子金錫汝

洪運

和蕪隱子

庚辰十二月二十九春帖

憶昔行辛巳新年吟

二月十日雷

良叔書齋

寒樓

夏日題隣

題我壁

於東壁題了

共茶溪散人李正夫

亨祥

讀楚辭

贈正夫

雨晴

秋感

秋夜雜感

對客仍成

雨中客至



閣夜有感即景

雜詩

示正夫

得親書

江曉

步庭

宿三湖

龍山

江曲

清夜誦陶令詩

同南子休

復秀南汝修鴻來

宿太古寺朝向青霞

洞門

僧寮不寐

扶旺寺

翔雲寺

山頂示二友

香娘詩并序

辛巳除日

遊南山鳳巖谷中

奉寄良叔閒居

南氏亭子

小雨

廣州途中

宿奉恩寺梅花寮

到楮子島許氏茅亭訪

許滄海古居登百濟宮城有感

登漢江洪氏夙夢亭又歇古心亭亭額尤菴先生

筆也

登狎鷗亭

秋夜聲

秋懷

秋宵拙筆

即事

九日

汝修挿菊硯水折送數

朵買我短簫又有詩和之

懷良友



憶正夫

霞鶯洪先生出烈挽

卽事

初夜

寄內弟朴稚川

相洪

拜新月

塞下曲

隴頭水

采蓮曲

春閨曲

送曹壯士

信之日本代人作

奉贈書記遜菴元丈重

舉隨副使之日本

并序

送別吳宣傳載熙之日

本代人作

秋雨

夕晴

月宵

月夕對內弟

挹清閣

屋女

曉

卧病

癸未十二月二十九日

經南漢戰場讀清碑

元夜同尹聖文光星張

雲章

幹李正夫尹曾若

可基遊

和寄汝華

桃源篇

携李仲五

時福循三清

洞逍遙於挹清亭冉冉不覺登白岳既夕暫憇太

古亭

清風溪

弼雲臺

洗劍亭

并序

又聞簫於小林石室中

贈李明五

奎昇

同李明五尹曾若朴稚川徐汝溫瓚修族侄汝範



光錫賦

夏集

酬曾若

七夕戲題慰牛女

同尹景之

東鉉

汝範明五稚川汝溫遊清風溪帶

女蘿嘯歌竟夕

七月二十一日雨明五

留宿稚川汝溫各成一篇

秋日贈同人求和

和明五清風溪韻

既別汝範與稚川蕭然

雙對搖筆謾吟

閒居雜興

秋霖有時以驟

贈別內弟稚川歸陽厓

見黃雀食黍青虫立蓼戲筆

夕成

既別稚川同人歷落愴

恨而吟

秋夜詠懷

暝吟

招仲五歷  
懿昭世孫

墓林

奉元寺

題宗人齋壁

并序

秋日雜題

酬曾若梅花詩韻

并序

答曾若乞梅花詩韻

并序

歲時雜詠

僧伽寺

春日題兜戲





青莊館全書卷之二

完山

李德懋

懋官

著

男光葵

奉杲

編輯

德水

李畹秀

蕙隣

校訂

嬰處詩稿二

塞下曲

都尉平明出手控蒲月  
弓翻身鳴鐵鏑一鴈落邊風

少年行

壚飲蓮葉盃門嘶桃花馬  
歡笑弄青春金鞭當酒價

昭君怨

君恩曾未蒙胡寵詎能顧妾身當武夫向月莫辛苦

次石洲集韻

并序

病卧無睡偶閱石洲集有病中叙平生二十四  
首余竊感焉燈下走筆次之無倫次多有刪去  
者只存七首庚辰十月書于南礪之濱

泠泠溪水向人鳴疑是幽音空外生十月雨來石出後  
清流一一作琴聲

昨夜霜風樹樹鳴蕭蕭葉落滿磳平曉來驚起林栖鵲  
樵兒無數上山行

庭前菊樹出牆開藜杖三時其下迴南里主人太平事



隔籬香動請花來

雄雌乾鵲立移時  
奇語查查櫻樹枝  
今日分明有喜事  
友人新送數篇詩

清晨起坐捲蘆簾  
先看蠶頭峰露尖  
谷口蒼茫殘月在  
驚飛栖鳥出茅簷

昔年舟泊仙遊峰  
眼裡依稀雙碧松  
惆悵如今城上望  
滄波安得洗吾胸

不向東華軟土行  
藥爐書幌抱殘經  
逍遙合作村夫子  
水石生涯誰得爭

和東万子金錫汝

白鶴志矯矯蜚八雲天中憂憂求其侶鳴聲蒲海東我  
觀金子意落落與之同勗君歲寒採取介篤敬忠一見  
卽知己謂我氣味通舉手吐其懷寒冰玉壺空

酬錫汝絕句

疎窓擺脫野衣巾山澤癯容稱逸民南里先生頗好古  
翛然來到迥無塵

乞筆與箋于蕪隱

生涯書屋太蕭然蕉葉春空筆塚邊惟我無詩三日久  
欲將五老寫青天

挽徐士萃



夢中相見涕漣漣舊伴高陽

士萃居高陽郡

事已焉破硯妻奴

悲活計衰衣婢設象生年

士萃服衰而死

鍾王法帖裝猶半磨

宋哥詩寫未全縱有故人常卧病炙鷄難奠殯棺前

江亭春訪記難忘誰識居然訣別長耐斯人埋厚壤

悲涼舊伴散高陽堂帷彷彿聞書響硯匣氤氲襲墨香

魂魄歸來慈母哭百年孤負祝山岡

### 佐伯過

借驢江舍八城門知爾殷勤故道存病客猶思花日會  
騷人頻說酒時言溪匯抱石鳴仍去禽戲穿林墮自喧  
細看爐頭薰古篆寥寥紙閣日初暎

春帖

庚辰臘月二十九日

晏起早眠孰使然春迴茅屋樂吾天小臣家在南山下  
願以南山祝聖年

除日次贈錫汝

年年逢除日除日又今宵日月何太駛惆悵自無聊祠  
神鼓鑿鑿祭電燈迢迢梅花亦幾時殘藥向人飄三四  
同心子隔岡相與邀携手步履際五更占斗杓老大修  
令德莫歎朱顏凋

秋夜雜感

嗟哉圭竇士所守頗能深屋老全依樹蛩寒稍入衾厨



人憂米價江客話琴心季子歸來日如何誇有金

古詩示正夫

吾黨有正夫寔我同姓親性情良且純今世見古人木  
覓山下屋并我留一旬深排仙佛徒欲溯洙泗濱

栗島

高麗舊臣金澍遺壚三四高  
木其手種云故三四句及之

晨星的皚耿秋天海客汀洲泊米舡村木盡經高麗上聲  
雨島人猶說大夫賢筐收紫蟹童歌晚髻插丹楓女歸  
妍聞道氓風終古厚移家吾欲買畬田

朝咏

第<sub>二</sub>聯二年前吟之逸全  
句今憶此句補其餘云

無事高人住菊籬成小門二年江漢夢終夜古今言庭

落何來葉墻明遠處村生涯雲水外晴日散鷄豚

上元曲

十字街中月色明初更三點候鍾聲謳歌半夜人初散  
何處村鷄時一鳴

雪色澄明惟此宵人人候月廣通橋歌童一隊聯羣袂  
齊唱東方行樂調

酬恒之

惆悵茅齋對翠微東峰朝日動林霏鳥鳴灌木迎風立  
瀑落歌岩作雨飛叩竹欲尋高士去郵筒忽付小奚歸  
試看俗子誰相好每羨君詩不掩扉



偶吟示良叔

溪宅饒閑事  
爐香放細烟  
洞花迷曉雨  
山石涵春泉  
睡或從禽喫  
詩唯共客聯  
城遊明日約  
襟抱一悠然

贈南邑客

偶逢南邑客  
相對南家春  
適然談近夕  
不似新交人

共恒之賦

閑客知春暮  
出門行且歌  
谷雲深聚雨  
隣樹恰啼鶯  
藥簿憐多病  
詩談見有情  
寂然無俗事  
江友又相迎

睡意

窓北支頤卧  
風涼夢見陶  
午鷄偏覺澹  
雲檜最看豪  
雨

脚輕吹面花香細入袍小堂紛聞草曠際笑兒曹

偶題示正夫

黃驪江上客三日作奇遊人物蕭條久山林寂莫留書  
聲晨不徹名士世無求悲壯心何寓時時看劍頭

逢桃源諸友

二客新從江上歸雨帆烟艇說依依買魚沙市留前約  
欲向君家共忘機

三湖途中

江程獨往意悠然雲物蕭森迫接天野菊多垂歌石冷  
崑楓遙映斷霞妍路傍茶飯神藏樹溪上杖屨鷺下田



村際漸看投宿處，牆樗寒鵲語踈烟。

留宿三湖

慣識三湖路，水廬幽更深。砌蟲寒入戶，江雨靜鳴林。  
燈火留情話，圖書省道心。徂秋今始到，悄悵不眠吟。

次內弟韻

我從城裡到，羨爾水雲身。芝室方為善，菊田不是貧。

種菊

成田開  
花燁雅能評古畫，詩似勝前春。歸意明朝促，暫離莫

苦辛。

次霞鷺亭壁上韻

先生志操蜀莊冥，家近滄溟泛似萍。妙契焚香周易處，

精神激墨畫龍靈地應長在經灰劫吾欲忘歸坐夜星  
莫道李膺門館盛登龍何似此登亭

訪三宜軒

沈氏園亭江水湄烏紗巾幅罷圍棋悠然執手無它語  
笑索今年秋日詩

龍山訪姨弟呂佐伯不逢

佐伯汾津去

通津別名

秋風猶未歸魚龍深不測鷗鷺靜相

依地迥高齊樹人閑寂掩扉天寒來及早應未換綿衣

霞鷺亭紀事

霞鷺亭邊黃葉飛西風客子攬荷衣先生見我欣然待



手打林中棗栗歸

歷路訪李伯瞻

訪子吾猶喜老蒼親情里社卽裘羊  
茶盤聽雨思疇昔

己卯夏訪伯瞻  
雨中啖茶論懷

紙牖談詩到夕陽  
近宅秋聲連古木

江雲氣結微霜松邊白堞歸程遠  
留約籬花共挹香

柴門有見

短策誰家僕驅驢  
小雨中問從邦裡  
到手指南山楓

贈南汝萃

纔過蘭城射策年  
書聲每夜五更連  
朝來試問前宵讀

已誦昌黎原道篇

晚秋

小齋秋日不勝清  
手整葛巾聽水聲  
案有詩篇籬有菊  
人言幽趣似淵明

至日憶內弟

南陽有卧龍祠

至日它鄉讀易知  
書燈晨乞孔明祠  
昔年江舍陽生夜  
豈粥同嘗不別離

病題

余癰疥轉劇搗菊葉以傳之  
蘸菊汁以飲之  
鬱無聊著詩若干遂成軸  
壬午七月二日未時  
書于寓室中



三秋伏枕石門西夢寐詩成亦懶題的皪天星低近木  
蒼茫禁鼓遠連鷄小童燈暗憑書寢老馬槽寒立月嘶  
谷裡無人空咄咄江亭遙想菊盈畦

又題

西日隱林杪樵勞行自謠宿痾吟白屋親友滯青橋

指白

永叔燈火醫書閱弟兄藥汴調道心驚歲晚何處長靈苗  
雪夜汝修宅共鄭子城賦

月送清寒樹氣晴衡門剝啄睡初驚同人話久成高趣  
空谷宵深起遠聲似到南華生白室欲看句漏鍊丹經  
呼兒試問蕭蕭雪窓竹云埋茅幾莖

古詩

陋巷之士維道是樂清風獨標宇宙寥廓知者絕稀慨  
世之薄右咏顏子

長松落落百尺不阿朝榮夕悴笑彼桃李志士感茲貞  
節不磨右咏長松

同汝修昆季遊木覓鳳岩谷中

山深曾不到蘿枯息纖塵寂寂如叅佛飄飄欲訪真壁  
巢探鶴毛毳風木側烏巾樵關歸鬼晚莓苔夕照新

春日記事

茅屋鷄聲日午多倦携陶集想無何出門里叟春遊數



到處逢人說杏花

溪堂閑咏

手折林花嗅時復  
挿巾斜一聲虛閣  
嘯驚起城頭鴉

題畫扇

籐竹交加處誰知  
隱小屋主人日暮  
歸樹影當深谷

悶旱記實

一盂飯易二頃田  
父老猶傳壬子年  
未有文章風伯訟  
將看馮達旱龍鞭

闌闌微臣隱百憂  
飢民轉向峽中流  
欲傾萬斛滄江水  
普施人間大有秋

中秋日謁板橋所

生晚難承祖考顏中秋再拜泣潛潛虔誠庶慰孱孫慟  
霜露空山不忍還

閑居

村西卜宅市聲避長憶晨餐紫閣霞逕廢難招羊仲友  
病多誰到馬卿家隣花霜白蕭蕭立城日梧黃淡淡斜  
經史秋涼增讀課每逢佳話輒嘆嗟

晝咏

秋室逍遙一幅巾墻楓老葉撲閑人白門城畔新三逕  
紫閣峰陰舊四隣弟妹團團還忘病圖書爛熳不知貧



白衣人斷重陽逼謾遶籬採菊頻

懷良叔

時時逢永叔仍得問平安直以烟霞痼况兼兄弟懽離  
羣物表迫嬰疾峽中寒過失歲誰切秋深祗自嘆

季秋遣興

自卜西村無客來懶忘巾櫛隱書堆家雖澹泊門當市  
秋亦繁華菊菊臺老鶴天長高挾子層城雨積迫蟠雷  
素屏欲寫閑居賦準擬明年菜圃開

出遊清風池閣次汝修

出壑泉聲聽不休朱門棹楔獲攀遊場無汪錡孫何烈

焚異之推魄豈愁

虜亂幼孫壽全  
隨仙源同焚死

壯節已應編國史遺

風聊欲采民謳壁間且有華陽字日暮夷猶為暫留

霞鶯亭洪先生挽

伊昔親承所不聞床前納拜接慇懃生涯老圃亭亭菊  
心事秋山澹澹雲南郭獨留長隱几北山本絕可移文

缺

缺門掩寒江落日曛

書齋夜咏

寒厨稻飯報新炊漠漠芸香夜色遲燈影翻堦烟蟀集  
雨聲歸壁墨蕉歌著書笑吃長卿口舉案看齊德耀眉  
商頌激成金石響古人元是樂逢時



偶得騷字

天與清閑樂吾曹不須於悵讀離騷  
流雲學水宵來澹  
老樹如人月處高宿鳥簷寒栖各定歸樵谷暝唱翻豪  
中堂弟妹明燈集過盡重陽拾棗饒

偶得諳字

呼馬呼牛劇笑談繆紛榮辱不須諳  
長吟永叔秋聲賦  
三復希元夜氣箴  
內弟離懷迷海曲  
家君平信滯天南  
一床書帙聊相守  
歲暮寒城雪映菴

和曾若倣濂洛體以報

耿介空林一少年  
前脩欲學志渾然  
乾坤要作奇男子

須讀嘉言善行篇

數帙殘經慰索居  
笑君襟袍太迂踈  
縱然莫學浮華習  
讀了人間非聖書

如梭日月不停機  
終古人嗟易失時  
若使丁年無所得  
居然瓠落老翁為

湛然心月絕纖塵  
長得虛明面面真  
利慾那堪侵蝕既  
時時提掇玉精神

吾家西郭子南城  
西郭南城共月明  
見月良宵無伴侶  
子情應復若吾情

閑愁不許到心頭  
活潑天機靜處求  
好是長空新月展



淒風冷雨一時收

卽事

書齋映雪歲寒初  
筆硯中間事不疎  
蝕盡離騷香草字  
岸巾笑捉白蟬魚

夜讀唐人詩聞東隣鶴唳

儂咏唐詩鶴唳霜  
是時河漢月邊長  
鶴非有識儂還答  
各以其鳴卜夜良

次明五畫竹

壁東怒筍出如峯  
生氣森森貫大冬  
水墨誰將歸幻化  
每因斜月澹相籠

示明五

雪天晨夕哦詩聲諸子六經斗舍盈端坐竹絲巾岸首  
眼如圓月字中明

和寄曾若

睫前羣品互分張透處冲虛一理長心寄高雲遊碧落  
夢隨白鳥溯滄浪百篇詩得琤琮韻獨樹梅生醞籍香  
饗此茅齋聊自悅時清不咏北風章

拜新月

千葉桃紅月影迷鄴州竹簟設花西芳年二八太羞澁  
拜祝宜男聲却低



塞下曲

妖星畫出竟天長  
帕首輕兵東戰裝  
新淬寶刀三萬口  
黃河波赤熱如湯

采蓮曲

蘋末秋風颯颯吹  
商舡八月是歸期  
相見一曲題蓮葉  
流下楊江即得知

羌婦曲

烏孫公主漢宮粧  
羌婦眉傳鴈翠長  
盡把顰脂螺黛換  
青騾騎出問胡商

贈南友

冰磧宵尋白影迴  
北風喬木遠相催  
貧家牛炙何由設  
古篋蠶箋亦自開  
為惜飛騰壬午去  
故招瀟灑西南來  
以吾壯大兒童羨  
淺碧深紅到處裁

立春題門楣

子祝父母壽  
伯陽箴鏗年  
父母教子職  
若曾參閔騫第  
兄及夫婦和  
順而愛敬  
癸未立春日  
咸與修天性

送別吳宣傳

載熙之日本

幕府少年橫寶刀  
霸家臺隱拍天濤  
眉間欵翕奇男氣  
化作長虹挿海高

歲除之前二夜集蒼厓



昏與烏鴉共一林二陽天地釋窮陰素琴流水於焉撫  
叢桂中阿耿介吟不可無詩虛此夜如今有月恰吾心  
少年結友方為好燒燭三更意却深

遙夜攔干蠟淚啼南園雅集不期齊羣星爛曄光難定  
獨檜蕭森氣未低圓暢詩心梅共澹荒寒歲色雪相迷  
今年細數無多在少別明朝白堞西

乍零霰雪入宵晴老栢蒼烟獨對城梅樹詩篇在袖貯  
騷人眉目幅巾迎礪窓相送霏霏語冰硯仍成澹澹情  
缺

重九日答贈內弟

百里南陽弟欣逢白門中秋堂悅情話鳴虫集蓼叢村  
盤送花餽弟兄食之同與汝作佳辰九日古來崇均是  
外祖出盍勉敦厚風阿鼎墨宛壁阿甲詩蒲筒雖憐非  
同姓藹藹理則公不但樂今年永年一始終

答內弟

酣霜丹葉樹叢叢匝蠶頭幾人能共弟今年不悲秋暇  
日憑遠眺堞長轉盡樓秋花異春花挿髮忽颼颼曠野  
收嘉穀的歷夕陽鳩來近人立吾與爾忘憂

掌苑署成氏松

昔讀忠臣傳只見忠臣心忠臣貌何似曠望懷想深暫



憇忠臣樹於焉肅我欽蒼葉磔如髯怒氣亘至今飽霜  
偃不死精靈夜應吟千里 魯陵鶻翻短不能尋

內第冠日欲詩未能不欲詩又不忍不鬼荒蕪吟  
一什追寄安用詩為其意或可有取焉全悲三洲  
老丈乃其意云

枝活屏梅八幅仍墨戲三洲昔最能事有前知於汝用  
靈如不昧此中憑正令吉禮生年及可看癯容喜色騰  
賓席無差陞降數丁寧訓戒夙親承

南山詩

粵若古混沌亭毒氣所囿造化迺權輿寔匪巧曆究偉

哉七日鑿儵忽何神授支山暨胃河流結網闕漏茲言  
和天倪無門實難覲衆山祖崑崙幹龍三條湊巨靈撐  
高掌鼎顛錯秦繡華作帝王宅汧雍瑞氣透太一鎮萬  
年慈龍以鬱茂雄蟠壯西都脈派從華岫抱社仍含鄠  
嶠謂東西就翕張肖何物鷄鵠巨尾噉耽奇若籠貨壑  
岩競流秀太皞秉春令駘蕩薰若耐眼纈捫涉際赭紅  
花木覆區粵瞰行沃神臯眇華構間腹跳魚大栢巔巢  
鶴癯朱明屈恢台炎橐鼓宇宙石扇太始冰鬼物之攸  
鏤傑出元氣中一登眩延衰風穴響刁刁冷善忘熱候  
晨路舞清秋欲偕鷗鷖蓬藥物鍾獸形腰鐮月值戌清



霜百草腓沆寒憇雲竇水落物攀成鑿鑿石齒漱厚坤  
沍窮陰滕六紛雜糅疊松翳遠近同雲易夜晝瀑布垂  
天紳凍裂壁不漚架樾蟄神熊偷橡捷飢狔覽茲閱四  
序銅吼怕奔仆始覺海極殊昔慚蟲水陋頑洞腦海盪  
決潏眼界富全面霄漢磨半復雷雨走或訝支祈恠鎖  
此帝難宥歟閃騁神姦歷攬恐不售昏黑到上頭虔祝  
冥冥祐雖賴化翁扶屢被神物詒眩目踏壁撈沃喉俯  
井甃軒舉纒欣暢窻宰忽恟憇地靈毓幾雄曠感千載  
舊五坐三步繞北眺南睨又叢簿搜罔象淵湫窺靈囂  
天設關防壯一夫敵萬寇雄雄北斗城不待四方赦奈何

紛得喪蠕蠕猶雛鷺穀稭公宅茲霸肇自句天秦扶輿獨  
竄然不剥霜雪賀遥揖太白峯黃昏始邂逅御宿蟠其  
尻紫閣距其脰飛孤白馬際明滅眼花瞽凌兢援飛蘿  
颯爽吸滴溜離乍會之數去忽來之復崕嶢上而下礫  
礫左而右若大夫整笏若將軍免胄若便娟花蓓若縹  
緲香臭若漢盤撐直若秦車碎副若昂頭白鶴若蟠尾  
赤鼬若戈鋌淬礪若羅縠摺皺若蠡山之會若康回之  
闔踞芳乳贗啖竦芳翬翟雠波譎而雲詭縑至而輻輳  
隼奮而盤翔鹿駭而馳驟錯互方應接鬱密兮扶佑冢  
巔岑嶠嶸直聳直聳類列矢岵岵岵嶮嶮嶮類模籀逶迤



忽復斷落落敗軍逗散淪忽復聚纚纚老農耨聊知萬  
象供難將百城購有矚悉飽飫無語還誼譟壯觀始傑  
卓前遊皆蒙幼寶藏仍是興仁樂信匪謬春節及夏筍  
可實釘與餽黃腸及文梓可斷擲與柩貞筠及癭楠可  
飾俎與桓騰猿暨飛鼯曰維異狀數曰維殊貌禽神鸞  
暨靈鷲朱柯濯谷間玉菊被罔後攀援欲隱遯流連聊  
宿留何年學尚平男女畢婚媾隱茲無掛戀囂塵永拂  
袖殷宗何曰夢周王不復狩莫云仕逕捷不於帝居首  
混淪凝胚胎鬱蒸突饋餽羨陂抱或背嶠冢散或収嶙  
峴之幟暨繚繞之弓殼寄崇之架棲芬療之積標趙趙

之羽簾井井之龍繇岡中連類坎岸下斷類姑缺呵護  
十二神環擁十八宿奮迅牛觸牆翹驤馬騰旣曲曲秀  
菌芝徃徃產瑩塲道宮間仙竈連鼈又接雷爰有一異  
人就我頗習徃願受餐王法永年努力懋鍊攝辭人案  
一欲瑩膚腴餐我赤松飯琅璈以相侑勞餘得歸霜灑  
然脫沉疴曠朗似醒夢恠誕豈憑呪戴符百萬錢何不  
向此儼幾日謾費力同氣洽引嗅稽首賦終南敬為山  
靈醕

疊

我有譚山舌終南資辯囿大阻漢傳閱惇物禹貢寃天



作帝王基肇自伯益授積形何垓北元氣不滲漏傑特  
邈難匹聿來獲一覲條榦寔精緻位置恰幫湊厥北眺  
唐宮惹青巔之繡厥東挹藍田榮光上天透厥南聯太  
白雪樹亘峻茂厥西疎西嶽削成蓮華岫壤土域雍州  
區奧上腴就天文分東井鶉首厲其囑于茲以融結安  
得不雄秀軒然如馬士渥丹暈猛耐媽然如春女沐鬋  
青羅覆穹然如峻宇金碧炫層構巍然如象設離立羊  
馬瘦匆匆如相鼓氣薄塞宇宙銀鶚如相齧不讓巧匠  
鏤繚繞如相抱砒厓匝廣袤瀟瀟如相荅靈官恍可候  
狎獵如相舞晶晶振鷺遙屬西德叶金居中位配戊大

地秘靈境還古凝化竇岩穴可以栖溪泉可以漱出者  
若雲蒸聯者若雪糝奧者受斜陽秀者媚晴晝錯者如  
補綴削者如濯漚突者疎瘦鶴仄者擲驚狎行者停若  
鬼徒者奔若仆峙者翁仲高偃者戚施陋纖者膝宮弱  
豐者晉楚富巨靈蹴而開夸娥負而走缺陷若不續帝  
亦難赦宥茲山本雄蟠二神功莫售於赫靈應公羣物  
賴神祐廟貌肅弘敞狂夫不敢詭徃徃降風雨虔禱繫  
井甃眈蟹若感應瑟縮還恂慙余探勝槩蘊蓄蓄啟  
惟舊歷歷遊覽既一一談悉又恍惚值山魃泓濤窺淵  
詈寶符金星秘神茲敢為寇福地鎮地肺天神遽護救



濯濯陰谷封危巢鳥哺穀懸瀑爭喧逐琴筑間相奏萬  
象供余眼不煩刀布貿八仙自迎送三官亦邂逅纔已  
攀岩啄忽復據崖脰凌兢垂懸厓欲傲伯昏瞀春風扇  
陽和花間聽玉溜夏霖注萬壑竒觀於此復秋霜增成  
削石劒攢左右冬雪積嵯峨立立白銀冑神瀆讓玉泉  
郁烈蘭椒臭武功挾太乙遙學瀟霍副八溪觀游儵九  
谷逐奔馳偃僂抱子石石鏡老嫗皺回互恒蛇擊出沒  
鄭龍闔銅梁雌蜺飲石關勇雉雠應接煩不暇山勢惡  
輻輳蕭如對敵壘萬馬紛馳驟儼如朝帝庭千官互佐  
佑轉成泉石育無法可爰爰不見圭峯師塔背辨古猶

夕抵化羊宮登頓進更逗若有栖遁士谷口事耕耨忽  
思三良殲仍悲百身購山亦吟黃鳥偏側以誼譎紫閣  
屹老丈符禺列童幼細讀三秦記經歷豈其謬漢秦陵  
墓對纍纍似飢餒獨笑始皇帝驢山銅作柩東棗間西  
桃無人薦俎桓九真隣何適昔聞長山歎戴峙况巨鰲  
飛來訝靈鷲梗楠匝千丈百道迷先後欲攀叢桂樹於  
馬暫宿留神會而目謀若媒合婚媾縹緲出墟埃獨立  
風獵袖荒矣昆明功壯哉長楊衍坐思成立語北面更  
西首九峻蟠無極矗出氣饋餽復作水流勢漫漈浩難  
收峭立舟仄帆偃抱弓滿殼却訝埋玉燐炎煬颺燎撫



援譬無不到今復驗龍蹠落落斷如剝層層連若如岵  
峴老君殿林中忽相違暫歇靈運屐醺壇爛星宿青牛  
化老石蔭栢不以旣太上儼帝服珠琬映瑩瑋壁畫闕  
雷雨香烟蟠屋雷名區鎮作主肅敬不可紐囂紛匪所  
汨清淨迺其懋靈虛滌垢穢昭融暢脈騰仍就祠官飯  
笙簫以相侑灑落副夙志幽脩釋積疚曠朗卽仙臺不  
待憑幻呪特地隣可卜他日屋欲僦遲回不忍去岩花  
立而嗅手掇泛桂醕更向神前酌

論詩

明五頌尚幽奇汝範專務硬澁安於醞籍穉川可憐三

子詩法

雙李獻吉子鱗大明文章先輩熊熊古氣孰追決決  
聲難配

友過

北斗七星垂郭門眉間奇氣發之言故人不怕金吾過  
坐數鍾聲雪月村

和尹曾若

斯晨斯夕抵長吟百帙縱橫伴一衾預喜地豐占尺雪  
忽驚除歲惜分陰惟君一世磋磨劫伊我中宵警省深  
化蝶猶龍吾道熄期桑留麥正聲沉奇緣有遇張求鉤



末技召災戴破琴四老敷媮芝秀谷七賢磊落竹成林  
死灰南郭寧留想軟土東華不惹襟苦志遙悲三獻玉  
雅心高把四知金易林可看真機在玄草那令俗想侵  
高岫雲歸生遠意寒松風八出幽音詩書以外觀山水  
花草之間送古今招隱孤吟神謾逞離騷大讀髮恒森  
梧枝誰響雷門石鵲雀空殫岐岫禽不說雌黃資利口  
詎知雄白蘊靈心愛看幽石仍呼丈耽翫奇書轉就滛  
明滅篝燈烟外郭逍遙巾幅雪南岑盆梅飄臘蒼厓底  
弦月逗雲碧礪得不怕三彭讒冉冉空愁二鼠迹駸駸  
夏蟲南犬那須說冰氏熱官詎共尋病我空懷之子面

衡門何日惠然臨

歲題

并序

昔在南礪之濱字吾軒曰蟬橘取譬室之小蟬  
殼橘皮如也往年題吾著書曰何異嬰兒娛而  
弄宜如處女羞自藏仍命曰嬰處豪余素離羣  
屏居西郭門傍稀見友人面惟李仲吾一月二  
三其來索余著書每談吐移時以去云

秋之為氣正悲哉暇日盤桓疊石臺兒弄女著寸詎峻  
橘皮蟬殼室堪恢白門正與紅門近短李時尋瘦李來  
性癖疎近非適用寐榮無辱散擲材



登慕華館西麓

清秋高登眺壯哉萬年都群山拱三峰大海接五湖回  
憶戰伐狀壯心劇鬱紆李迺叛甲子鐵馬颯沓驅鞍峴高  
亘天王師憑雄圖王城韜畧定錦南氣勢殊眇眇出  
死心鯨鯢就嚴誅伊來丙子冬長驅蒲州胡天險亦難  
恃衝風鳴桑弧誰能遏其勢七百羽林孤嗟哉同日死  
厓石血染朱一百五十年蕭然與君俱幸生清平日不  
須歌鳴鳴城楓澹受暉歸去及栖鳥

織女操

并序

織女何操也美夫婦相敬也完山子被之絃焉

敬則愛全愛全則福遠

載東載西河之廣不可以越兮靈匹之期兮七之月兮  
七之日維天萬里維人之咫尺兮維天一年維人之晨  
夕兮牽牛貞兮不戚戚織女諧兮不惻惻處既別兮會  
有節運靈氣之氤氲兮毓下土之群物

暫到陽厓見梓川歸后寄此以叙其懷云

諸葛祠前朝秣馬外家農舍問田翁賢官民憶忠臣尹  
大姓鄉傳上國洪迩歲隣菴陽地開待賓盤柿雪窓紅  
逢迎弟妹仍離別墓碣纔瞻路又東

白良叔

東佐宅清夜



散步草堂庭夜氣寒且清仰看天上月皎皎欲低城風  
拂高樹林林鳥有時鳴最愛寒梅株蕭疎垂其英與君  
值良宵把臂露心情

三湖元朝

獵獵靈旗巫水神祠舸祭竈開隣人插花巫女翩翩舞  
影赴紅燈匝錦茵

洗心亭贈沈氏

有亭有亭江北皋飛簷迥與浮雲高我携君袖倚半空  
冷然洗髓而伐毛堂中四壁匝仙鶴中翻紅日浴翠濤  
喬松鶻栖勢入烟深潭龍蟄色似刀

三湖途中

行人負布袋向余長跪言此山今始入何處栗木村  
人行古橋上人影在水中白鷗驚欲去蕩漾迷西東

出門

巖屋蕭蕭杏樹西藤梢瀑沫雨聲迷出門已有窮源意  
盡日幽禽窈窕啼

夢仙謠

挂樹三更玉露微一雙仙鶴唳清輝  
泠泠環珮蓬山月  
留待鸞笙子晉歸

玉樓仙侶誦黃庭挂月靈香藥杵  
聆帝坐紅雲開一朵



芝函新降謫金星

紅艷花

平堤少婦綠裙多采采終朝紅艷花  
家住溪南欲歸去  
一雙胡蝶上銅釵

四時調歌

門前軟綠柳絲垂朝雨枝滋暮雨根滋  
灌花歸去獨支  
頤坐看唐詩卧看唐詩

垂垂白雨水亭東禾滿畦中荷滿塘中  
柴門剥啄喚山  
僮不是漁翁卽是樵翁

陶詩一卷讀閒居松自滿如菊自滿如  
漁童日晚始歸

廬遠釣江魚近釣溪魚

梅枝手攬落英寒閣裡盤桓庭裡盤桓歸來爐上篆烟  
蟠自喜宵閒更喜心閒

江夜

夜水虛明漁火歸脩脩萬木露零稀樓頭浙瀝流年感  
陽鳥江南無數飛

南山菊

菊花歌石底枝折倒溪黃臨溪掬水飲手香口亦香

贈南汝萃

命來

北舍燈光夜似年梅花香澹案書連如吾病骨嶮峻瘦



菊枕時翻素問篇

初冬

長掩溪邊白板門  
騎驢客到坐楓根  
山家自是人來罕  
籬竇時時犬吠喧

四山虛夜落風端  
遙想石門碧井寒  
月出三更愈漸灑  
韻高蒼檜入雲盤

十里滄浪吾第家  
清江獨樹爾能誇  
遙知霞牧島亭前  
立閒數烟鷗起白沙

酬東方子金錫汝

洪運

昔我誦君詩意謂千載人  
往往夢中覩有如超俗塵  
伊

今忽見之握手露天真灑落竹林趣相看不冠巾君目  
不為白我眉不為頻願言各勗心逍遙以忘貧

和蕪隱子

山木空庭響易哀筇鳴深谷客初迴圖書千軸生涯澹  
中有高人韵似梅

庚辰十二月二十九日春帖

巷北巷南笑語傳雪消山郭已春天白鬚老叟逢人說  
日氣暉如庚戌年

憶昔行辛巳新年吟

憶昔初學語踴躍歡新年不識新年何只矜衣袴鮮慈



母教甲子初覺歲之先屈指計其日招邀兒童傳倏忽  
踰三五此心轉漠然居然十二月庚辰過昨夜客問年  
多少掩口不欲話

二月十日雷

春惟二月殘門掩卽寒樓山郭奔雷遠栗林過雨迷蟄  
蛩應出地暖靈始通溪可卜花間日隣朋且共携

良叔書齋

我屋南山趾瀟灑聊可歇不見良叔久二月門始出君  
齋多清趣庭樹澹風日五絃手自撫見我猶不輟只得  
琴中意所以塵想絕

寒棲

不識公卿名頗知圖書趣庭木如我心翼然清風聚

夏日題隣

石竹花紅胡蝶飛西隣少婦靜鳴機主人倦看滄洲画  
盡日岩軒無是非

題我壁

繡女織工一市坊隔隣居士異閒忙灌泉小圃鈔花譜  
候日深軒曝藥囊虛靜心神疑瘦佛琤琮聲韵學中唐  
新朋錯笑門長掩不識清閒轉八肱

於東壁題了



澗水之濱斜掩扉  
蒲庭晨露粟花稀  
客來問我無心否  
笑指東林雲自飛

共茶溪散人李正夫亨祥讀楚辭

對坐離騷念冥冥  
孤雨飛生涯常晚  
飯時序已秋衣吾  
道古人遠正聲中  
國微白雲有何意  
山郭澹忘歸

贈正夫

日夕君須至吾家  
老木西南山成豹  
隱中夜感蟲啼遊  
氣潛聆遂無愁迫  
倚藜詩書存古道  
繙閱意何迷

雨晴

霽雨樓臺秋日清  
青林繚繞隱官城  
種花深洞茅茨等

觀瀑寒山杖屨行老木栖蟬垂露寂昏鴉立石近人驚  
遐心更上高亭望江漢歸帆天際生

秋感

悲秋采玉賦而我意悠哉辛巳半年過明朝八月來  
陰青栗老厨北赤葵開寥落寒城曙賓鴻得氣迴

秋夜雜感

四壁虫聲空自勞江鴻漠漠八雲高寒燈誦咽虛均賦  
大石磨翻日本刀天地寧為耕釣叟英雄不願狗鷄曹  
奇男終古多韜彩霧豹深林知惜毛

對客仍成



寥落中林挽客留  
近簷星斗夜初脩  
高霞翠栢亭亭晚  
長缺雲冠冉冉愁  
澗屋迎秋書帙整  
屋籬過雨草花幽  
樵歛和罷還無語  
尚矣前人不可求

雨中客至

岩瀑翻翻灑柴門  
靜不開  
里煙鴉際起  
溝水柳中來  
愛罷清江遠  
詩成白雨催  
脩然幽客至高  
語迫離埃

閣夜有感即景

十尋梧檜拂天青  
山閣虛明白露零  
大角星光羣犬吠  
六經文理小僮聽  
都城客訪交心古  
雲霧龍深畫意靈  
南澗水添前夜雨  
二更燈火坐泠泠

雜詩

皎皎白露光泠泠澗水長  
亭亭老栢榦耿耿寒星芒  
志士觸秋感悲歌起彷徨  
時掇寒花英中夜有所傷  
古人那可見思之性靈戕

示正夫

正夫完山李吾亦  
厚陵孫不見如路人  
既見卽一門  
青青山上松萬枝  
同一根洋洋江中水  
百派歸一源

得親書

蟋蟀鳴何事感此秋氣寒  
艸木始零落鴻鴈來雲端  
老親書始至小子心稍安  
執書長跪讀讀畢而又看  
教我



學古人戎我碩且寬

江曉

唧唧寒蛩近夜床  
林亭邂逅意何長  
汀舟共憶重陽泛  
籬菊初尋昔日香  
萬里江天鴻伴月  
三更村落樹迎霜  
曉來漁父欣相遇  
贈我秋磯蟹甲黃

步庭

案上參同契金丹  
歲暮情老樗如我  
瘦秋水使人清綠  
杖鷗沙淨鳥巾菊  
日晴風成憐內第  
詩格勝渠兄

宿三湖

遽客來何晚居然  
宿野廬依楓觀  
晉帖掃石讀周書  
島

女誇收稻江童學數魚村風看可異種種古人如

### 龍山

聞昔麗王幸長時多白雲花垂如佛石飯祭有孫墳深  
潭魚龍偃老視霹靂焚遊人吟欲苦日落大江濱

### 江曲

病艇黃海塩明日忠州去忠州多木綿妾已理機杼  
兒子釣魚至阿翁販稻歸羹魚炊稻飯籬火語依依  
洗心亭下水流向蠶頭去淪連亦何意似妾無盡語  
秋水明於月鷗毛白如絮漁歌江易響一一還飛去  
紅綃二幅強滿繡關壽亭作旗挿艇尾海神不敢獐



清夜誦陶令詩

明月照園菊白露盈秋襟欲辭煙火食仍有唐虞心商  
颺蘓肺氣度林生瑟琴水禽如我寂來聽陶詩吟陶詩  
可滌腸和平多古音衆士無與共音調問水禽

同南子休

復秀南汝修鴻來

宿太古寺朝向青霞

洞門

束裝催曉飯流水語遲遲紅樹三人憇青霞九月期秋  
生溫祚國山寂普愚碑日出林霏歇寒菴木末危

僧寮不寐

夜氣虛堂白嗒然據几吟檀烟遙散馥桐露靜生音鍾

向潭心曠燈長佛夢淡僧談天竺法瓶水曉雲侵

扶旺寺

遙入楓林去驚禽飛不停老僧迎款款幽瀨逝泠泠岩  
篆何年刻佛頭自古青翔雲寺稍近歸路犯寒星

翔雲寺

茲遊從宿抱初到問菴名老石奔能立寒泉靜乃鳴城  
荒年月遠僧瘦語言清三日叅禪坐儒巾讀貝經

山頂示二友

閣道遙遙攀古藤曉看霜氣積清澄石龕佛妙青蓮活  
潭窟龍高白霧蒸世外方為無事客山中不見有名僧



絕頂俯看飛鳥背始知蘭若入雲層

香娘詩并序

香娘善山村女也性端潔有女儀然後母不慈  
嫁而夫痴且悍無故而毆罵之舅姑不禁其子  
迺勸再嫁娘泣歸家母拒不納歸叔父不受又  
泣歸舅姑舅曰爾盍嫁無用歸我娘哽咽曰願  
借門外地建屋以終身舅姑執不聽始有死意  
潛往哭於砥柱碑下見采薪童女同里也歷舉  
平生寄之曰吾夫怒我吾母與叔不容我吾舅  
姑忍我以更嫁也我安歸歸見我慈母也寄汝

以雙屨持歸告吾家曰香娘悲無歸而投于彼  
江中也又歌山花曲一闋遂赴水死采薪女傳  
其事鄉人號曰貞女 朝廷旌于閭余恨其母  
叔暨其夫舅姑無恩義以詩之頗詳

善山百姓家有女曰香娘性情和且柔顏貌潔且方戲  
嬉三四歲不與男子遊弱年哭慈母後母多愆尤罵之  
如奴婢毆之如馬牛為女當如何低頭隨所為及長嫁  
林氏感感憂不弛翁姑雖憐娘夫心不如斯炊飯謂有  
沙縫衣謂不愜娘雖百姓女頗識古人法恭順為賢女  
不然為惡婦謹心承夫意夫曰不可久頗聞云云說以



我他人嫁欲生生何喜不如死之可九月初六日痛哭  
砥柱碑死當明白死我死誰當知米薪誰家女有意看  
我哭逢汝亦天憐我言詳記錄爾家那邊住知是同隣  
曲欲投池中死無人知其事吾父朴自新吾夫林氏子  
七鳳吾夫名十七嫁林氏夫年時十四稟性如火烈自  
發無時怒年年復月月意謂尚童心惟待年壯盛壯盛  
猶不悛父母莫能警憐我惟翁姑送我父母家歸家母  
氏怒爾來欲如何無語只忉怛反自歸叔父叔父曰汝  
夫棄汝不復顧汝家父與母拒汝不憐汝吾雖親叔父  
不堪留侄女少年作棄婦不如歸他人淚從言前落叔

父何不仁侄女雖村婦不期叔言聞不如歸夫家再拜  
謁翁姑翁姑曰汝夫怒心無時無舍淚拜且言願得門  
外地結屋三四椽死生於此已翁姑曰不然不如更嫁  
去觀爾有死心慎勿出此言作券以約汝珍重歸好處  
子婦雖不敏那忍為此事心中若冰火舉動強自喜寫  
屢履寒霜潛哭來澤涖吁嗟國中人誰白香娘意逢男  
不足說壯女救我死爾貌甚聰慧記我此言不歸去傳  
我家是日江中投黃泉見我母歷歷說此愁教汝山花  
曲曲中多悲憂天乎一何高地乎一何博如此大天地  
一身無依托寧赴江水中葬骨於魚腹幸汝傳此曲我



魂招他日雙屨贈汝去憑茲言一一努力看我為死後  
多謝爾脫衫蒙頭面舉身赴清水兒來傳其語死時年  
二十府使上其事監司奏御榻名之曰貞女烏頭墓  
旁立至今山花曲村人聞之泣

辛巳除日

向曉竈灯影欲疎隣人來賀五更初齊言今歲李居士  
得見平生未見書

遊南山鳳岩谷中

踞石無言久清高不受塵谷虛聞地籟柏瘦見天真倦  
鳥時投袂飛泉亂墜巾幽人頗得意村際物華新

奉寄白良叔抱川閒居

海內如君少論交却忘形窺斑羞豹管鑄律得牛鈴為  
是同聲氣終看適性靈和如清廟瑟竒廼浴盤銘荆璧  
猶藏璞庖刀已發硯茅齋聯夜雪蓮澤宿春星車笠平  
生誓規箴盡日聽言詩嗟鬼忌觀史質天刑冉冉天弢  
脫脩脩地籟聆時臨青李帖相對墨梅屏爐馥朝焚篆  
書明夜聚螢天公多戲劇吾友益飄零杜老吟時瘦荀  
君坐処馨買山聊避俗服藥欲延齡赤犬隨靈杞青牛  
卧老苓指鴻心已遠挽鹿去無停抱甕灌新井荷鋤斲  
綠垌虛明生白室瀟灑州玄亭怡性寬閒野灰心著作



庭宅年吾亦隱不必歎浮萍

南氏亭子

南氏亭惟迴多憐卜築溪人清評墨妙鳥黠啄花心遠  
樹分濃淡高雲無古今溪泉時一勺拈筆爽風襟  
物色紛無數天機妙不窮暗泉來艸際斜雨入衣中烟  
直孤縈樹鵲翻迴溯風渡溪高閣坐心孔劇玲瓏

小雨

石竹花開紅不齊黃雞上屋午時啼最憐小雨隨人至  
一半溪堂樹影低

廣州途中

蘭棹悠揚擊汰歌  
樵牛米馬渡頭譁  
鶴翻夕照窺魚捷  
堦敗秋霖記里訛  
許氏碑聽鳴咽水  
倭奴塚入寂寥花  
歇筇晚向長亭眺  
澹靄橫分谷口家

奉恩寺梅花寮

石磬圓清徹  
二陵山門出拜夕  
陽僧金剛晚向如來  
借讀就迴廊  
織屨燈

到楮子島許氏茅亭訪許滄海古居登百濟宮城  
有感

逍遙野笠夕陽臨  
烏鵲飛鳴虎豹林  
翠栢留陰  
仙寢  
肅青灯如月  
佛宮深江長  
処士尊周節  
城古孱王據  
蜀



心忽到高人棲隱宅  
陂羹稻飯澹論襟

登漢江洪氏夙夢亭又歇古心亭亭額尤菴先生  
筆也

蒼厓百丈曲欄懸  
爽籟林端一颯然  
特地侍郎前夢叶  
何年元老古心傳  
墻明旭日雞登樹  
洲白秋潮柳聚船  
歷歷羣山皆拱北  
漢陽城郭斗杓邊

登狎鷗亭

海客生涯狎白鷗  
秋風鼓枻漢江舟  
乾坤寂寞皇華集  
一水朝宗何處流

秋夜聲

擣練隣娘笑語喧  
商風浙瀝灑衡門  
高榆葉瘦明星爛  
老鶴聲圓白露繁  
志士偏淒涼  
夜感遊人應斷遠  
方魂曙天月入虫吟  
皎起看層城落木翻

秋懷

南山雲起鳥飛遲  
佳友秋來不贈詩  
白集朱書清契濶  
蜀葵唐菊好襟期  
藥仍妹病添新錄  
飯為李荒減舊炊  
冷靜高齋初送客  
灑窓紅葉雨相隨

秋宵搖筆

男子逢秋自古悲  
商飈吹月入書帷  
艸根露滴虫聲動  
亂我溪宵讀楚辭



即事

韋帶幅巾下砌行就人巢鳥也多情鴻驚節晚無邊度  
月得天高盡意明穆穆疎花來夜氣琅琅遠漏入書聲  
獨將佳境於焉喜童子垂頭睡欲成

九日

臨水登山日暮迴秋聲起聽且徘徊騷人莫向重陽感  
今古黃花無盡開

汝修挿菊硯水折送數朶買我短簫又有詩和之  
空谷無誰慰寂寥清城樓下獨橫簫憑君試製黃花曲  
西郭高人月下邀

懷良叔

時時逢永叔仍得問平安直以烟霞痼况無兄弟歡離  
羣物表迥嬰病峽中寒過失歲誰切秋深倍自嘆

憶正夫

故人割稻去時菊獨揚芬移宅誰尋我哦詩每憶君伊  
來無病未何日入京云論語今將讀若為疑義聞

霞鶯亭洪先生

禹烈挽

剝鶯殘霞寂寞空江湖自此斷清風文章往往窮賢士  
存沒悠悠任化翁奇氣梅屏菊簇裡真機麟筆馬圖中  
秉心潔直無塵想在古何人可得同



天地逍遙一水亭幽情不減古沉冥獨將潔志寒花托  
每許高吟白鳥聽宅相能談程叟事門生誰檢子雲經  
簾帷瞻哭歸來後片夢依微瘦鶴形

卽事

秋末冬初日尚暄縫裳弱妹向余言昔誇論語寒前了  
九月中間讀幾番

初夜

脉脉烟光集短牆翔鴻南度意何長蛩雖細物那違節  
菊是高情獨耐霜暝飯味添紅葉爨秋衣香襲白綿裝  
宵寒每覺天涯夢幾日親書自遠鄉

寄內弟朴稚川

相洪

水國生涯想寂寥  
松扉朝暮打寒潮  
深宵聽盡南來雁  
明月虛牕夢石橋

拜新月

迎月初昏立曲欄  
榴裙步砌拂珊珊  
花間恐被郎偷見  
半拜纔成半拜難

塞下曲

画角三聲塞月高  
愁看青海拍天濤  
北來中使頒恩詔  
榆葉飛時賜戰袍

隴頭水



送君怊悵向秦州隴水淙淙使人愁淙淙隴水君莫飲  
恐入離腸咽不流

采蓮曲

蓮花雖潔不堪飽蓮葉雖青不可縫最愛并頭無并蒂  
一時開落一塘中

春閨曲

惱春稍減繡工夫笑看文姬別子圖羞渠薄命胡中沒  
抵死那能生二雛

送曹壯士

信

赴日本

代人作

朝鮮通信十年行壯士樓船獨爾名五石強弓如意控

長蛟射處海濤平

奉贈書記遜菴元丈

重舉隨副使之日本并序

恭惟先生耿介出塵之姿英明振古之想歌  
悽白石增激烈而叶商氣鬱青霞積崢嶸而  
于斗鳥習蛾述山簣高而成切蟬腹龜腸卷  
簞空而樂道工三餘而辛苦幾對國子之盤  
鹽官八品而蹉跎郡憲倉氏之斗粟霽春  
雲之詩態滾秋江之筆頭大讀明燈灑噴  
淚於遠古高歌彈劍巨秋色於遙空有志四  
方子長之壯觀可繼尚友千古仲連之高風



欲攀宇宙間幾箇騷人東南隅萬里孤島龍  
年蛇月八路之生民無遺玄僧清首九世之  
深讐難忘何章猴精之宗族顛覆所以鯨域  
之使价頻繁揚眉登玳瑁筵奇男之壯圖堪  
笑低頭入芙蓉幕夫子之雅操可知雞處龍  
蛇憑文章而華國可行蠻貊服忠信而交隣  
暮年著從事之衫英氣邁、秋風挂叅軍之  
笏疎髻脩、揮刃無金牛霍屠龍而文氣肆  
讀書過半豹歛倚馬而筆意長雪鯨噴濤辨  
風色於竿羽金鷄喔日報水程於郵籤泊紅

船於赤關銀闌縹緲望海門於江戶蜃樓虛  
無繇舟虹騰龍縮島祗磨秦釵於銷後蠟窗  
日午橘戶蠻童讀周書於焚前颿爽星眸宋  
帝之鷹障無蜚冷暖玉子唐臣之碁圖依然  
碧城荷香秘詩境於月色淨界奎彩施佛願  
於日光放雙鷗於中流尹東里之歸舟瀟灑  
沉特牲於積水黃秋浦之落旌飄搖擎金軸  
而催詩丹袍之吏官箴按錦瑟而翻曲花  
鬟之蠻娘娉秦夢鄒談洪老之句語飄逸  
石唐山答成翁之詩思清新水宿風餐祝徒



切於安穩梅酸藥苦淚不灑於別離

德懋

思

空湛於玄文夢難通於色筆遲仲宣之先謁  
敢望中郎倒屣之迎異長吉之風成那堪吏  
部聯騎之訪紫芝眉宇粗效房太尉之賞譽  
青蓮才思猥蒙賀秘監之獎詡巴山聽雨話  
剪燭於何時梁州計程帳折花於免日聊將  
賸行之語庸副加餐之誠癸未曝衣節

文章能驅人催登萬里船長風拂青衫一笑澹無牽世  
人皆榮之書記省如仙書記那可好吾意悽獨憐夫子  
平生心守拙老艸玄寥哉五千卷只辨嫩隅篇莫將呻

吟得意氣高於天只可強意吟恒自見戲然先生若區  
區誰謂先生賢茲行無所獲金珠睨如捐百年辨壯遊  
欲畧扶桑巔秦童泛餘水浩淼碧無邊翠屨噓樓矗文  
焰歟相連大帆如垂雲東月當頭圓島俗多狙詐外面  
待朝鮮揖讓陞降際忠信當勉旃我淚欲汪々莫說壬  
辰年

送吳宣傳

載熙

之日本

代人作

扶桑若齊國如萍黃雀風高繡帆輕遙想橘林蠻月吐  
四更歸夢白門城

秋雨



徹夜農譚野客留雨垂甲子角禾頭灑池蓼病紅將退  
滴砌蛩涼語轉幽已厭多霖過半歲預愁無月作中秋  
乍騰米價群商喜但願年豐此輩休

夕晴

晝遲晴晒蠹生頻梧匣竹筒潤氣新城樹乍明斜照送  
溪樓忽聳斷虹隣街童得意驕輕屐厨女躁心罵濕薪  
景福群鷗南郭度入雲毛淨自精神

月宵

南砧緩々北砧頻靜聽無聊肅四隣小月留軒如雅士  
暗泉鳴枕若情人每於即景虛明地添得自家灑落神

惜夜不眠真氣葆  
丑時難動唱催晨

月夕對內第

尾月窺高士小窗揚素輝  
端正古幅巾淒薄新袷衣  
石堦燦霜華浮埃不相依  
群物各歸宿靜想一而微  
小弟色秀澹凝看問靈機  
荅云心境圓先民如可希  
忽復發敬言省冥鴻一聲歸

挹清閣

九月三清遠鳴霜洗  
淨虛閣響足音平潭  
寫鬢影瞪目無言久  
空曠非塵境根氣一  
何銷躁心可以靜

塵女



十月空山永棄之地中無乳汝斯饑人  
茲那挽將歸者  
枝竭膏肓不怨醫

曉

燈光忽澹壁生晨清越書聲蒲四隣僕踏蕭々西郭雪  
風其吹汝好擔薪

卧病

靜蟄微疴養稚陽子月生暝樵晨汲冷二婢一僮清市  
碧烟縈色林鳴靈墮聲將雛鳥可愛端坐白門城

癸未十二月十九日經南漢戰場讀清碑

流恨松津鳴咽長陰雲恒作塞天荒甲申又泣王正月

南漢仍吟古戰場  
李老碑文中惻怛胡皇功德假輝煌  
壇應不跪斥和者熱淚滂々風烈衣裳

元夜同尹聖文

光星

張雲章

幹

李正夫尹曾若

可

基  
遊

郭南諸友盡相招  
春動寒天變柳條  
一歲初遊何以夜  
萬家齊出必於橋  
使人欲溯烟如水  
與月俱明雪作宵  
送去蒼厓曾若後  
層城欲白一鷄遙

和寄汝華

與汝結交今六季  
伯南瀟灑仲南妍  
伯南別我東觀海  
惟有仲南詩或聯



桃源篇

漁曲多意氣青谿水新生手折帶葉柳魚腮貫縱橫載  
酒成曉醉斜月白舫盈淪漪漾帆影迎人水鳥鳴虛無  
欲挾仙瀕洞不可名神情劇朗悟水澄天與明緬旆萬  
株蔭積紅崖欲傾舟泛隨所如繁英壓蓬年青山旭始  
昇態色曄然呈魚靈而鳥慧無心還有情幽光生峽口  
恍惚事堪驚千村忽平鋪別歲太古眠神遊圓不定自  
疑夢裏成欸。白叟拜盈。姹女迎衣冠多古色話言  
非今群桃樹詭仙洞荂花說儒坑聞來人成仙傳與劉  
代羸滄海那驅石黃河詎導城丹雞白犬靜村影午時

晴兒掃素陰綠花瓷酒正清賣舟欲買田明春約耦耕  
出洞還惆悵青蕞落照行

携李仲五

時福

循三清洞逍遙於挹清亭冉冉不

覺登白岳既夕暫憇大古亭

歷花春裕簇浮紅潭倒挹清亭影崇昔望烟霞遙不極  
一登天地莽依空羣江遠赴平蕪際萬堞爭翻夕照中  
敢過先賢棲隱宅楓溪之左即聽松

清風溪

仁王白岳拔雙峯名節文章此盡鍾祠下層潭鳴咽湧  
似悲三度甲申逢



弼雲臺

晴雲西郭試春衣  
眼纈遊絲百丈飛  
連日莫辭成晚晚  
是遊何幸及芳菲  
魚鱗萬屋蒸花氣  
蓮朶三峰抱日暉  
景福池明翔白鳥  
吾心遙與爾忘機

洗釵亭

并序

聽徐子汝五常修吹簫  
其二客亦合成腔  
三人者皆以國簫名  
日已昃詩者六人咏於水

聲瀟瀟中

雙簫韵始纖  
溪樵裊餘花  
三簫穿水響  
幽想不勝遐  
萬石欲動搖  
危亭倍嵯峨

又聞簫於小林石室中

韵泛青林石室危  
凝聽三佛盡低眉  
出門四眺餘縹緲  
漢北城高夕照遲

贈李明五

奎昇

山居圖序壁中看已製  
仙翁鶻羽冠不遂耦耕  
非我懶囊空無計買青山

同李明五尹曾若朴稚川徐汝溫

賁修

族姪汝範

光錫賦

睇眼光際白雲卧樓怡悅  
美為群欣迎廉谷宗人面  
罷讀眉公秘笈文女堞霏  
纖林翠轉蚕頭紅淺夕暉分



熱天不敢謀清快  
鍾鼓零壇勞  
聖君

夏集

果紅于昨雨垂今鄰樹蟠  
潤翳陰蒼涼無乃舟卧靜  
幽迫恰同峽遊深能詩七者  
各天趣盡日翛然頗古心  
雙禽夕來啄白荳憐汝自得  
誰能禁

酬曾若

達觀事外烟棲神白荳縈扉掩  
涉旬長夏涼思繁葉樹  
南山幽卧素心人盆花故起涓  
色檻日爭禁丹之辰  
勁翮飛鷗遙目送映空自在水  
雲身

七夕戲題慰牛女

牛已成翁女是婆  
河流濯髮影皤々  
一逢一別尋常慣  
惹悔年々灑淚多

同尹景之

秉鉉

汝範明五椎川  
汝溫遊清風溪帶

女蘿嘯歌竟夕

澹雲橫抹  
岫如眉  
萬樹蟬清落  
照時自在  
癯儒青薜被  
何來髣髴客  
鐵驄騎  
大明石剝丹  
書淺第一池  
涵栢影  
欹縹緲  
尹生能卷葉  
七星巖畔  
剗然吹

七月二十一日  
夜雨明五留宿  
稚川汝溫各成一

篇

雨暗電明驟或斜  
李生留宿故人家  
二更言笑蒼茫裡



萱架燈翻落素花

秋日贈同人求和

炯拂虛堂靈色刀老槐枝勁得秋豪中宵壯髮森々動  
夢聽滄江八月濤

和明五清風溪韻

斑翎晴戢一隻鳩林翠泉音潤弄柔靈境迥圓無盡古  
悟心虛泛自然秋弟兄青史風俱灑忠孝紅門澤永流  
素髮豐頤瞻肅々畫圖長結丙丁愁

既別汝範獨與稚川蕭然雙對搖筆謾吟

初送宗人素榻空獨留內弟冷齋中繁虫兩咽詩心苦

雜萼秋肥市色紅少別猶堪周綠鬢夕晴况值鬱長虹  
衝泥瘦馬悠々步江漢波增棹逆風

閑居雜興

艸書青紙西壁一年三秀靈芝画大宛如兒掌何人筆  
意淋漓

三洲昔善水墨雙軸葡萄梅花秋實濃肥入品冬榦道  
勁成家

海神異名鐵拐側身席皮懸腰精神指端翕聚眸子瞿  
々不搖

門冬百合羅生盆桂開花月々羊仲裘仲不來松逕竹



逕蕪沒

飛々黃雀逕匹綢繆白豈高棚引雛爰翔爰止巧穿蔓  
葉最能

藥田銀杏青々徐子呼童擔遣閑剥踈燈影中團々如  
見君面

秋雨未應生角蟻衣蒲庭青穀壞巾斑々醖聚崩雷轟  
々菌蒸

北隣總角知書夕誦仲舒三策閭閻埋沒誰憐我能反  
聽大息

陰符經難涉世參同契豈引年渾無一物掛恋白雲天

地浩然

孤憤或恐秋觸浮名寧怨朋讎萬事可以理遣一生無  
與古違

秋霖有時以驟

涼亭霑驟已多逢折栢淋瀝靈馬峰暝電樹明纏紫氣  
碧濤天立漏秋龍霎時轉見能添爽萬品從他一洗容  
搖落歲華非夏令平疇遙憶護禾翁

贈別內弟稚川歸陽厓

雲容喬結離思夕林露浥滋青藜兄不語摻弟衣黃濤  
兮銅雀獨念遊子晨涉之



見黃雀食黍青虫立蓼戲筆

李子高冠坐甚危  
清秋藥圃肅然時  
崎嶇黍雀懸仍啄  
熬煎蓼虫咽以悲  
微物亦知歸造化  
浮生莫怨費營為  
虛亭一笑看天色  
河洛圖書左右隨

夕成

瓢蝶輕儇素蘂隨  
獨謠秋室自無為  
年貧乍覺人情淺  
雨退仍看物色遲  
北斗臨庭如對語  
禁鍾衝月不違期  
待時青菊滋涼露  
試把疎枝有所思

既別稚川同人歷落愴恨而吟

心溪去後石橋隨  
文會從今不可為  
作者七人虛雅集

時維九月劇離思滿聽泉雨渾如夢宛溯楓池各有詩  
西郭茅齋寥落久好歸明歲莫須遲

秋夜咏懷

唧唧羣虫蒲耳聽倒飛涼露草根停鴻流勁氣蕭炎亘  
月霽寥天灑落青歲色阿誰能不惜襟懷強半是難平  
詩書遠挹前脩影大讀三更葉打檣

暝吟

月已昇空露欲涓急砧渾與遠簫連樓清獨客携秋色  
城迥雙鷗破暝烟北斗天然東關護八州無事四烽  
傳寥々虛室還生白直至鍾鳴自少眠



招仲五歷 懿昭世孫墓林

季秋天次凜幽矚氣轉澄顧茲無所營況也值佳朋蕭  
然出郭門白袷烏巾仍恭惟 懿昭墓肅穆不敢陞象  
設峨峨白長明石鑿燈檠章夾左右上竦秋旻凌蕙菊  
沐零露奇香郁烈騰性靈皎不滓轉於幽境凝

奉元寺

城西不一堠新寺曰奉元金碧類鬼神觚棱勢飛翬有  
佛顏如童宅茲以為尊借問何功德衆生劇趨奔頑僧  
健於虎客到不迎門白日蒲團睡荒年稻飯餐

題宗人齋壁

并序

余九月幾日來留茲室居然浹旬將歸有三  
宿桑下之戀雜題六詩于其壁時甲申十月  
二日蟬橘散人書

畫瀑兼咏老栢及彈琴

墨瀑飛翻拔素濤秋琴彈雜楚人騷商飈淨掃纖雲影  
翠栢天晴落日高

李東岳詩壇

琵琶坂上落暉低雛菊醺楓西迢迷東岳詩壇還入眺  
騷遊難與昔人題

綠琉璃瓶插朱杞甘菊



明迥琉璃日本瓶  
仙人杞菊露華零  
移根仄插中央水  
深映秋雲窈窕青

八幅黑綃泥金水鳥

水鳥蒼々八幅中  
真機不淺意還濃  
鷓鴣鸚鵡雙々舞  
剩柳餘荷朵々風

悲君美懷汝範

心期澹々對誰圓  
旅宿梧窓九月天  
蕪隱先生今寂寞  
靈溪居士獨蕭然

主人看金剛山記及唐詩

妙年英氣主人眉  
花藥圖書性癖奇  
案上離披楓岳錄

儵然時復閱唐詩

秋日雜題

上下千年偃蹇吾弱吟齋志未全  
適有時笑擲英雄譜  
獨坐深看太極圖  
樹氣澄明新脫葉  
鴈聲和悅遠將雛  
筆床硯匣於焉地  
盡日蕭然一事無

一旬為旅始還家  
落木鳴鴻奈爾何  
旱米硬紅炊女怨  
秋鱗肥潔市童誇  
詩迎初夜東山月  
盆乞南隣九日花  
修理圖書蕪沒後  
牽衣弱弟不厭譁

南山紫閣繞層城  
上有浮雲一樹縈  
匣釵架書高偃蹇  
晨雷夜霧鬱縱橫  
虛無萬古神仙影  
瀟灑人間處士名



飲啄自如天可聽任他斟酌玉衡平

文章末技太勞哉何事人去不迴孫叔衣冠元是質  
八公草木盡堪精啁啾終古英雄後刻露無餘造化衰  
境到圓時拙筆好宣城栗里迺奇才

俯仰無心逐桔槔跼踈不怨隱蓬蒿實憐前輩風流遠  
敢託清秋意氣高烏鹿幻身歸素几雌龍騰彩護雄刀  
何年擺脫遊霞外萬里滄溟釣巨鰲

酬曾若梅花詩韻

并序

梅花詩自陰何以來蓋亦難矣唐惟号稱詩  
國而杜甫齊已數子而已夫梅詩濫觴於趙

宋而林君復以外僕未知也况吾輩哉今既  
咏十許首刻其半猶卑也老聃氏曰損之  
又損以至於無僕之詩用此法宜哉

迥拔澄明凜勁姿花中御史鉄冠危夜來生白燈相守  
天下先春蝶未知乍露真機通靈好畫歲清氣晦根宜  
君能折贈城西否數朶橫斜髻插之

世人憐汝但妍姿巧剪第枝仄危無雪定難添潔節  
將詩耐可托深知頭上煖室爭開好得晴窓細數宜  
境寐收氛香亦妙幅巾周易靜觀之

冷葩瘦頰俱竒姿相對清晨冠影危甲申乙酉歲相搜



李子尹君詩獨知試節令蒙大靈未處高移置南山宜  
天下梅狂孰似我捨驢直向蒼厓之

逋也為妻不是妾抱貞守白節何危佳期香與黃昏會  
暖候根從至日知高下橫參天半可棄除演畫靈中宜  
少開書牖納山靄雙鳥交交來啄之

杜冲冬栢廡豪姿霜禿風皺勢或危大地荒々春不到  
寒宵炯炯月相知伊人宛在交堪托一氣孔神曉正宜  
誰識澹濃南北別朝鮮花譜續編之

小含龍追煦護春姿縹緲真憐笛裡危一日不逢猶苦憶  
每年相值似新知柯如葉綴繁應惱盆是瓦燔古可宜

豈獨離騷茲樹漏來禽只寫恨義之

答曾若乞梅花詩韻

君已先言我即難彼梅當笑咏多般翫時堪把離時憶  
傲者應恭放者端盡欲詩輸機或淺如非神逼累徒干  
臘前花盛仍繁子它樹低垂氣尚殘

歲時雜咏

親書從南至戎我吉迓新小子拜答礼伏惟壽福臻  
吉語任俗為笑顏逢人祝小子何所願慈母肺病釋  
大妹炊白餅小妹熨茜裳稚弟拜阿兄阿兄拜阿孃  
弱妻親庭去逢年暗垂涕所嗟地中女生存卽四歲



笙彈簇：埃青袍歲拜去三湖姨母家東門伯母處  
汝範孺人座除夕卒哭祭耐耐憶舊人無聊值新歲  
明五詩作曆三百六十篇憐汝吟太苦雙眉皺一季  
京人尚門画彩色競新奇花帽知魏徵獅帶是尉遲  
漢陽八萬厨間：燈：白喜花驗此宵繁燼知誰宅  
二女輕如鳬低仰白板頭裊：繁鳴佩箇：高出樓  
小兒剖赤杜擬作骰子投四仰四俯歡一白三紅愁  
大巫閭閻畏貽盱意氣充擔索齋米僧拜人禮數恭  
生憎白湯餅如錢小團：鮮添人：齒惻愴不肯餐  
酒禁怕官家屠蘓不敢釀百姓翕何知清酒溢大盜

上富屠數牛中富屠一牛往年牛瘞死春農何不憂  
今年臘月小歲除廿九日童歡一日得老憐一日失  
人或滿五十言言半百歎儂當二十五恰是五十半  
新舊平分際廳燈焰忽低我有長長索欲縛五更雞  
它花一春落更期一春開最憐老梅樹續發二年來  
一生心跡懶每於除夕悲長懷除夕心新年好人為  
甲申退如潮洶洶不可挽壯士無奈何雙鬢白欲短  
昔人除夕作至今宛自哀除夕千億過昔人胡不來

僧伽寺

此寺聞惟夙諸君會亦良樹齊平俯杪星大近攀光窟



佛無端笑峯碑萬古蒼洞蕭徐子捻夜半愆生凉

春日題兒戲

金氏東園白土墻甲桃乙杏併成行  
柳皮臧栗河豚鼓  
聯臂小兒獵蝶忙

青莊館全書卷之二

己巳春宣傳從  
侄書彬洛瑞書











